

41
1
30

話字板史記

五
六



秦本紀第五

史記五



索隱曰秦雖嬴政之祖本西戎附庸之君豈以諸侯之邦而與五帝三王同稱本紀斯必不可降為世家

秦之先帝顓頊之苗裔正義曰黃帝之孫曰

女脩女脩織玄鳥墮卵女脩吞之生子大業

索隱曰女脩顓頊之裔女吞蜺子而生大業其父不著而秦趙趙以母族而祖顓頊非生人之義也

按左傳鄭國少昊之後而嬴姓其族也則秦趙宜祖少昊氏正義曰列女傳云

陶子生五歲而佐禹曹大家注云陶子者大皞陶之子伯益也按此即知大業是皞陶

業叙少典之子曰女華女華生大費索隱曰

一音必尋費後以為氏則扶味反為得此即秦趙之祖嬴姓之先一名伯翳尚書謂之伯

益系本漢書謂之伯益是也尋檢史記上下諸文伯翳與伯益是一人不疑而陳杞系家

即叙伯翳與伯益為二未知太史公疑而未決邪抑亦謬誤爾與禹平水土

已成帝錫玄圭禹受曰非予能成亦大費為

輔帝舜曰咨爾費贊禹功其賜爾阜游索隱曰游

音流謂賜以皂色旌旆之旒爾後嗣將大出生也言爾後

嗣繁昌將大乃妻之姚姓之王女
甫證云賜

故左傳亦云晉公子姬出也

色字之妻也則言其大功也然其事亦當有所出

之玄五妻以姚姓之女也大費拜受佐舜調馴鳥獸鳥獸

多馴服是為栢翳舜賜姓嬴氏大費生子二

人一日大廉實鳥俗氏二曰若木實費氏索隱

一作洛若木以王父字為費氏也其玄孫

曰費昌子孫或在中國或在夷狄費昌當夏

桀之時去夏歸商為湯御以敗桀於鳴條大

廉玄孫曰孟戲中衍索隱曰舊解以孟戲仲

字當是二鳥身人首帝太戊聞而卜之使御

索隱曰

左右

吉遂ツキ致使御而妻之ツク自太戊以下中行之後

遂世有功以佐殷國故羸姓多顯遂為諸侯

其玄孫曰中徐廣曰一作滑滴義曰中音仲正在西戎

保西垂生蜚廉蜚廉生惡來惡來有力晏子春秋

曰手裂虎兇蜚廉善走父子俱以材力事殷紂周

武王之伐紂并殺惡來是時蜚廉為紂石北

方徐廣曰皇甫謐云還無所報為壇霍太山

地理志霍太山在河東彘縣而報得石棺正義曰紂既崩無所歸葬故為

增就霍太山而祭紂報云作得石棺銘曰帝令處父不與殷亂

索隱曰處父蜚廉別號賜爾石棺以華氏死遂葬於霍

太山皇甫謐云去彘縣十五里有冢常祠之

○索隱曰言處父至忠國滅身死而不忘臣節故天賜石棺以光華其

族事蓋非實譙周深所不信蜚廉復有子

曰季勝正義曰季勝生孟增孟增幸於周成

王是為宅臯狼正義曰西河臯狼生衡父衡

父生造父造父以善御幸於周繆王得驥温

徐廣曰温一作盜駟案郭璞云為馬細頸驥驥黑也○索隱曰郭誕生本作駟音陶劉

氏音義云盜驪竊也竊淺青色八驛驛郭璞

如華而赤今名馬驃赤也驃耳之駟郭璞曰紀年

來見以一驃馬是生驃耳八駿皆因其毛色

以為名號駟案傳天子傳穆王有八駿之乘

此紀不貝者也○索隱曰按穆王傳曰赤西

巡狩樂而忘歸郭璞記年云穆王十七年西

徐偃王作亂地理志曰臨淮有徐縣云故徐

者蓋由此造父為緜王御長驅歸周以救亂

正義曰古史考云徐偃王與楚文王同時去

周穆王遠矣且王者行有周衛豈得救亂而

獨長驅日行千里乎並言此事非實按年表

穆王元年去楚文王元年三百一十八年矣

緜王以趙城封造父徐廣曰趙城在造父族

由此為趙氏自蜚廉生季勝已下五世至造

父別居趙趙衰其後也惡來革者蜚廉子也

早死有子曰女防女防生旁臯旁臯生太几

太几生大駱大駱生非子以造父之寵皆蒙

趙城姓趙氏非子居大丘徐廣曰今好馬及

畜正義曰好火到善養息之犬丘人言之周

孝王。孝王名使主馬于汧渭之間。正義曰汧音牽言於

二水之間在隴州以東馬大蕃息。孝王欲以為大駱適

嗣。申侯之女為大駱妻生子成為適。申侯乃

言孝王曰。昔我先酈山之女為戎胥軒妻生

中滴以親故歸周保西垂西垂以其故和睦

今我復與大駱妻生適子成。申駱重婚西戎

皆服。所以為王。王其圖之。於是孝王曰。昔栢

翳為舜主畜畜多息。故有土賜姓嬴。今其後

世亦為朕息馬。朕其分土為附庸。邑之秦。徐廣曰今天水隴西縣秦亭是也

使復續嬴氏祀。號曰秦嬴。亦

不廢申侯之女子為駱適者。以和。西戎。秦嬴

生秦侯。秦侯立十年卒。生公伯。公伯立三年

卒。生秦仲。秦仲立三年。周厲王無道。諸侯或

叛之。西戎反。王室滅犬丘大駱之族。周宣王

即位。徐廣曰秦仲之十八年也乃以秦仲為大夫。誅西戎

西戎殺秦仲。秦仲立二十三年死於戎。毛詩序曰

正義曰胥軒仲侯曾孫也

秦仲始大有車馬有子五人其長者曰莊公禮樂侍御之好也周宣王乃召莊公昆弟五人與兵七千人使伐西戎破之於是復予秦仲後及其先大駱地犬丘并有之為西垂大夫莊公居其故西犬丘生子三人其長男世父世父曰戎殺我大父仲我非殺戎王則不敢入邑遂將擊戎讓其弟襄公襄為太子莊公立四十四年卒太子襄公代立襄公元年以女弟緜嬴為豐

王妻襄公二年戎圍犬丘世父世父擊之為戎人所虜歲餘復歸世父七年春周幽王用褒姒廢太子立褒姒子為適數欺諸侯諸侯叛之西戎犬戎與申侯伐周殺幽王酈山下而秦襄公將兵救周戰甚力有功周避犬戎難東徙維也襄公以兵送周平王平王封襄公為諸侯賜之岐以西之地曰戎無道侵奪我岐豐之地秦能攻逐戎即有其地與誓封

爵之。襄公於是始國。與諸侯通使聘享之禮。

乃用駟駒。徐廣曰：赤馬。黑髦曰駟。黃牛羝羊各三。祠上帝。

西時。徐廣曰：年表云：立西時祠白帝。○索隱曰：襄公始列為諸侯，自以居西時。

西時縣名，故作西時祠白帝時止也。言神靈之所依止也。亦音市，謂為壇以祭天也。十

二年伐我而至岐。卒，生文公。文公元年居西

垂宮。三年，文公以兵七百人東獵。四年至汧

渭之會。曰：昔周邑我先秦嬴於此。後卒獲為

諸侯，乃卜居之。占曰吉。即營邑之。十年初為

鄜時。徐廣曰：鄜縣屬馮翊。○索隱曰：音敷。亦縣名。於鄜地作時。故曰鄜時。故封禪書

曰：秦文公夢黃蛇自天而下，屬之地。止於鄜衍。史敦以為神，故自此立時。用三牢。

十三年初，有史以紀事。民多化者。十六年文

公以兵伐我，我敗走。於是文公遂收周餘民

有之地，至岐。岐以東獻之周。十九年得陳寶。

索隱曰：按漢書郊祀志云：文公獲若石云：予

陳倉北坂城祠之。其神來若雄雉，其聲殷殷。云：野雞夜鳴，以一朱祠之。號曰陳寶。又臣瓚云：陳倉縣有寶夫人祠，歲與葉君神會。蘇林

云：寶如石。似肝也。二十年法初有三族之罪。張晏曰：父母兄

弟。妻子也。如淳曰：二十七年伐南山，大梓，豐

父族，母族，妻族。六特。徐廣曰：今武都，故道有怒特祠，圖大牛

之四十八年，文公太子卒，賜諡為靖公。徐廣曰：文

公之四十四年也。靖公之長子為太子，是文公

孫也。五十年，文公卒，葬西山。徐廣曰：皇甫謐云：葬於西山，在

今隴西縣。靖公子立，是為寧公。徐廣曰：寧公二

年，公徙居平陽。徐廣曰：鄒遺兵伐蕩社，日西

戎之君，號曰亳王，蓋成湯之胤，其邑曰蕩社。徐廣云：一作湯社，言湯邑在杜縣之界，故曰

也。湯杜。三年，與亳戰，亳王奔戎，遂滅蕩社。皇甫謐云

亳王，號湯西。四年，魯公子翬。正義曰：音暉，弑

其君隱公。十二年，伐蕩氏，取之。寧公生，十歲

立。立十二年卒，葬西山，生子三人，長男武公

為太子。武公弟德公同母，魯姬子。正義曰：魯姬子

公率大庶長弗忌、威壘。正義曰：三父廢太子

而立，出子為君。出子六年，三父等復共令人

賊殺出子。出子生五歲，立。立六年卒，三父等

乃復立故太子武公。武公元年伐彭戲氏。正義曰：戲音許，宜反，戎號也。蓋同州彭衙，故城是也。至于華山下，居平陽。

封宮。正義曰：宮在岐州平陽城內也。三年，誅三父等，而夷三

族，以其殺出子也。鄭高渠昧殺其君昭公。索隱曰：春秋魯桓公十七年，左傳作高渠彌也。十年，伐邽，其戎初縣之。

地理志：隴西有邽縣，屬天水郡。十一年，初縣杜

鄭。地理志：京兆有鄭縣，杜縣。滅小虢。班固曰：西虢在雍州。十三年，齊

人管至父、連稱、荼，殺其君襄公，而立公孫無

知。晉滅霍、魏、耿。索隱曰：春秋魯閔公元年，左傳云：晉滅耿，滅魏，滅霍。杜預註曰：三國皆姬姓。齊雍廩殺無知、管至父等，而立齊

桓公。齊晉為疆國。十九年，晉曲沃始為晉侯。

索隱曰：晉穆侯少子成師，居曲沃，魏曲沃。

桓公伯於野。二十年，武公卒，葬雍平陽。初以

人從死，從死者六十六人，有子一人，名曰白。

白不立，封平陽，立其弟德公。德公元年，初居

雍城。徐廣曰：今大鄭官。以犧三百牢祠廊時。

雍城徐廣曰：今大鄭官。以犧三百牢祠廊時。

鄭官鄭官宮或下公

義曰上居雍之後國蓋
後天子孫得東
與於龍門河

善六月三伏之節起
德之故云初伏者
海盛暑者皆忌釋
者何以金氣伏藏日
四時代謝皆以相生立
白木代水之生木交
木之生火立木代金
生火立秋以金代火故
庚日心伏庚者金故
也

卜居雍後子孫飲馬於河梁伯芮伯來朝索隱

日梁嬴姓芮姬姓梁國馮翊夏陽芮國馮翊臨晉二年初伏孟康曰六月伏

至初也周時無以狗禦蠱徐廣曰年表云初

四門也正義曰蠱者熱毒惡氣為德公生傷害人故磔狗以禦之狗陽畜也

三十三歲而立立二十年生子三人長子宣

公中子成公少子穆公長子宣公立宣公元

年衛燕伐周出惠王立王子頹三年鄭伯虢

叔殺子頹而入惠王四年作密時正義曰括地志云漢

受黃蛇自天而下為地其
止

有五時在岐州雍縣南則鄜時吳陽上時下

時密時北時秦文公於鄜街作時郊祭白帝

日鄜時秦宣公作密時於渭南祭青帝秦靈

公作吳陽上時祭黃帝作下時亦祠黃帝漢

高帝曰天有五帝今四何也待我與晉戰河

而具五遂立黑帝曰北時是也陽勝之十二年宣公卒生子九人莫立立其

弟成公成公元年梁伯芮伯來朝齊桓公伐

山戎次于孤竹正義曰括地志云孤竹故城在平州盧龍縣十二里殺時諸侯竹成公立四年卒子七人莫立立其弟

緜公索隱曰宣公已上皆史失其名今緜公按世本古史考得緜公名任好

任好元年自將伐茅津正義曰劉伯莊云戎

及茅城在陝西勝之四年迎婦於晉州河北縣西晉太子申

生姊也其歲齊桓公伐楚至邵陵五年晉獻

公滅虞虢虜虞君與其大夫百里傒以璧馬

賂於虞故也既虜百里傒以為秦繆公夫人

媵於秦百里傒亡秦走宛地理志南陽有宛

元反今楚鄙人執之繆公聞百里傒賢欲重

贖之恐楚人不與乃使人謂楚曰吾媵臣百

王應麟曰秦本紀載繆公以五殺羊皮贖百里奚商鞅傳又載繆公奉之牛口

里傒在焉請以五殺羊皮贖之楚人遂許與

之當是時百里傒年已七十餘繆公釋其囚

與語國事謝曰臣亡國之臣何足問繆公曰

虞君不用子故亡非子罪也固問語三日繆

公大說授之國政號曰五殺大夫百里傒讓

曰臣不及臣友蹇叔蹇叔賢而世莫知臣嘗

游困於齊而乞食鉉人徐廣曰鉉一作銓正義曰鉉音珍栗反

在沛縣蹇叔收臣臣因而欲事齊君無知蹇

叔止臣。臣得脫齊難。遂之周。周王子頹好牛。臣以養牛干之。及頹欲用臣。蹇叔止臣。臣去得不誅事。虞君蹇叔止臣。臣知虞君不用臣。臣誠私利祿爵。且留。再用其言。得脫。一不用。及虞君難。是以知其賢。於是穆公使入厚幣。迎蹇叔。以為上大夫。秋。繆公自將伐晉。戰於河曲。徐廣曰。一作西。駟案。公羊傳曰。河千里。而一曲也。服虔曰。河曲。晉地。杜預曰。河曲在蒲。晉驪姬作亂。太子申生。死新城。正義曰。止義。曲在蒲。按河曲在蒲。驪姬也。

昭云。曲沃新重耳夷吾出奔。正義曰。重耳奔。為太子號。在志云。解州曲沃。有曲沃城。主人以晉曲沃新城。

九年。齊桓公會諸侯於葵丘。正義曰。括地志云。葵丘在曹州。

考城晉獻公卒。立驪姬子奚齊。其臣里克殺

奚齊。荀息立卓子。徐廣曰。一作倬。克又殺卓子及荀

息。夷吾使人請秦。求入晉。於是繆公許之。使

百里奚將兵送夷吾。夷吾謂曰。誠得立。請割

晉之河西八城。正義曰。謂與秦。及至己立。而

使丕鄭謝秦。皆約不與河西城。而殺里克。丕

晉文

鄭聞之恐。因與繆公謀曰：「晉人不欲夷吾，實欲重耳。今背秦約而殺里克，皆呂甥、卻芮之計也。願君以利益名呂卻、呂卻至，則更入重耳，便繆公計之。」使人與丕鄭歸，名呂卻、呂卻等疑丕鄭有間，乃言夷吾殺丕鄭，丕鄭子丕豹奔秦。說繆公曰：「晉君無道，百姓不親，可伐也。」繆公曰：「百姓苟不便，何故能誅其大臣？」能誅大臣，丕鄭是也。能誅大臣，丕鄭是也。誅其大臣，此其調也。正義曰：調，徒聊反。言百姓調和也。劉伯莊音徒。

弔反。按調，選也。邪臣誅忠臣，用是夷吾，能調選兩通也。不聽而陰用豹。

十二年，齊管仲隰朋死，晉旱，來請粟。丕豹說

繆公勿與，因其飢而伐之。繆公問公孫支。服虔曰：秦大夫。支曰：飢穰更事耳，不可不與。問百里奚，奚曰：夷吾得罪於君，其百姓何罪？於是

用百里奚。公孫支言卒與之粟，以船漕車轉。

自雍相望至絳。賈逵曰：雍，秦國都也。絳，晉國都也。十四年，秦飢，請粟於晉。晉君謀之羣臣，虢射曰：「正義射，因

請粟於晉。晉君謀之羣臣，虢射曰：「正義射，因

請粟於晉。晉君謀之羣臣，虢射曰：「正義射，因

其飢伐之。可有云大功。晉君從之。十五年，與兵

將攻秦繆公，發兵使云丕豹將，自往擊之。九月

壬戌，與晉惠公夷吾合戰於韓地。正義曰：左傳云：僖公

十五年，秦晉戰于韓原。括地志：晉君奔其軍。云：韓原在同州韓城縣西南十里。

與秦爭利，還而馬驚。正義曰：驚音致，又勅利反。國語云：晉師潰，戎馬

還潯而止，車照云：潯，深泥也。繆公與麾下馳追之，不能得

晉君，反為晉君所圍。晉擊繆公，繆公傷。於是

岐下食善馬者三百人，馳冒晉軍，晉軍解圍。

遂脫繆公，而反生得晉君。初，繆公亡善馬，岐

下野人共得而食之者三百餘人，吏逐得，欲

法之。繆公曰：君子不以畜產害人，吾聞食善

馬肉不飲酒，傷人，乃皆賜酒而赦之。三百人

者聞秦擊晉，皆求從，從而見繆公，窘亦皆推

鋒爭死，以報食馬之德。於是繆公虜晉君，以

歸令於國，齋宿，吾將以晉君祠上帝。周天子

聞之，曰：晉我同姓，為請晉君。夷吾姊亦為穆

公夫人夫人聞之乃表經跣行曰妾兄弟不能相救以辱君命繆公曰我得晉君以為功今天子為請夫人是憂乃與晉君盟許歸之更舍上舍而饋之七牢賈逵曰諸侯雍餼七牢牛一羊一豕一為一十一月歸晉君夷吾夷吾獻其河西地使太子圉為質於秦秦妻子圉以宗女是時秦地東至河十八年齊桓公卒二十年秦滅梁丙二十二年晉公子圉聞晉君病曰梁我母

家也正義曰子圉母梁伯之女而秦滅之我兄弟多即君百歲後秦必留我而晉輕亦更立他子子圉乃亡歸晉二十三年晉惠公卒子圉立為君秦怨圉亡去乃迎晉公子重耳於楚而妻以故子圉妻重耳初謝後乃受繆公益禮厚遇之二十四年春秦使人告晉大臣欲入重耳晉許之於是使入送重耳二月重耳立為晉君是為文公文公使人殺子圉子圉是為懷

公其秋周襄王弟帶以翟伐王王出居鄭正義

曰王居于汜邑二十五年周王使人告難於晉秦秦

繆公將兵助晉文公入襄王殺王弟帶二十

八年晉文公敗楚於城濮正義曰三十年繆

公助晉文公圍鄭杜預云文公適鄭鄭不禮之鄭使人言

繆公曰亡鄭厚晉於晉而得矣而秦未有利

晉之疆秦之憂也繆公乃罷兵歸晉亦罷三

十二年冬晉文公卒鄭人有賣鄭於秦曰我

至其城門鄭可襲也繆公問蹇叔百里傒對

曰徑數國千里而襲人希有得利者且人賣

鄭庸知我國人不知以我情告鄭者乎不可

繆公曰子不知也吾已決矣遂發兵使百里

傒子孟明視蹇叔子西乞術及白乙丙將兵

行日百里傒蹇叔二人哭之繆公聞怒曰孤

發兵而子沮哭吾軍何也二老曰臣非敢沮

君軍軍行臣監本子與往正義曰臣老遲遲

作吾

與音預

臣老遲遲

恐不相見故哭耳。二老退謂其子曰。汝軍即

敗必於殺阨矣。正義曰。括地志。三殺山又名

即古之三十二年春。秦兵遂東。更久晉地過周

北門。周王孫滿曰。秦師無禮。正義曰。左傳云。

左。右。免。曹。而。下。起。乘。者。三。百。乘。王。孫。滿。尚。幼。觀。之。曰。秦。師。輕。而。無。禮。必。敗。杜。預。云。謂。過。天。

子。門。不。卷。甲。束。不。敗。何。待。兵。至。滑。姓。小。國。也。

鄭販賣賈人。弦高。名。姓。持十二牛將賣之。周

見秦兵恐死虜。因獻其牛曰。聞大國將誅鄭

鄭君謹修守禦。備使臣以牛十二勞軍士。秦

三將軍相謂曰。將襲鄭。鄭今已覺之。往無及

已。遂滅滑。滑晉之邊邑也。當是時。晉文公喪尚

未葬。太子襄公怒曰。秦侮我孤。因喪破我滑。

遂墨衰絰。殺五。遮秦兵於殺擊之。大破秦軍。

無一人得脫者。虜秦三將以歸。文公夫人秦

女也。服虔曰。為秦三將請曰。繆公之怨此

三人。入於骨髓。願令此三人歸。令我君得自

快烹之。晉君許之。歸秦三將。三將至。繆公素
服郊迎。嚮三人哭曰。孤以不用百里傒蹇叔
言。以辱三子。三子何罪乎。子其悉心雪恥毋
怠。遂復三人官秩如故。愈益厚之。三十四年。
楚太子商臣弑其父成王。立繆公。於是復
使孟明視等將兵伐晉。戰于彭衙。杜預曰。憑
胡陽縣
西北有秦不利。引兵歸。戎王使由余正義曰。
戎人姓
名於秦。由余其先晉人也。亡入戎。能晉言。聞

繆公賢。故使由余觀秦。秦繆公示以宮室積
聚。由余曰。使鬼為之。則勞神矣。使人為之。亦
苦民矣。繆公怪之。問曰。中國以詩書禮樂法
度為政。然尚時亂。今戎夷無此。何以為治。不
亦難乎。由余笑曰。此乃中國所以亂也。夫自
上聖黃帝作為禮樂法度。身以先之。僅以小
治。及其後世。日以驕淫阻法度之威。以責督
於下。下罷極。正義曰。罷音皮。則以仁義怨望於上。上

下交爭怨而相篡弑。至於滅宗，皆以此類也。夫戎夷不然，上含淳德，以遇其下；下懷忠信，以事其上。一國之政，猶一身之治，不知所以治。此真聖人之治也。於是繆公退而問內史廖。曰：漢書百官表，孤聞鄰國有聖人，敵國之憂也。今由余賢寡人之害，將奈之何？內史廖曰：戎王處辟匿，未聞中國之聲。君試遺其女樂，以奪其志。徐廣曰：奪一作徇。為由余請以䟽其間。

留而莫遣，以失其期。戎王怪之，必疑由余。君臣有間，乃可慮也。且戎王好樂，必怠於政。繆公曰：善。因與由余曲席而坐，傳器而食，問其地形與其兵勢。盡言而後，令內史廖以女樂二人遺戎王。戎王受而說之，終年不還。於是秦乃歸由余。由余數諫不聽。繆公又數使人間要由余。由余遂去降秦。繆公以客禮禮之。問伐戎之形。三十六年，繆公復益厚孟明等。

使將兵伐晉。渡河焚船。大敗晉人。取王官及

鄆。徐廣曰：左傳作郟。案服虔曰：此鄆音郊。不能有。正義曰：鄆音郊。以報殺

之役。晉人皆城守不敢出。於是緜公乃自茅

津。徐廣曰：在大陽。正義曰：杜預云：封

也。埋藏。為發喪。哭之三日。乃誓於軍曰：嗟！士率

聽無譁。余誓告汝。古之人謀黃髮番番。正義曰：番番

音婆。字當作幡。曰：頭貌。言髮白而更黃。故云黃髮番番。則無所過。以申

思。不用蹇叔百里奚之謀。故作此誓。令後世

以記余過。君子聞之。皆為垂涕曰：嗟乎！秦繆

公之與人周也。周服虔曰：周備也。卒得孟明之慶。三十

七年。秦用由余謀伐我王。益國十二。開地千

里。遂霸西戎。天子使召公過賀繆公以金鼓。

三十九年。繆公卒。葬雍。皇覽曰：秦繆公冢在橐泉宮祈年觀下。

從死者百七十七人。秦之良

臣子與氏三人。正義曰：左傳云：子車氏之三子。杜預云：子車秦大夫也。

名曰奄息、仲行、鍼虎。亦在從死之中。正義曰：行音胡。

秦邑在武城內
有里故城內

即反。鐵音其廉。反。應劭云。秦繆公與群臣飲酒。酣。公曰。生共此樂。死共此哀。於是三人許諾。及公薨。皆從死。杜預云。此以人葬為殉也。秦人哀之。為作歌。黃鳥之詩。君子曰。秦繆公廣地益國。東服彊晉。西霸戎夷。然不為諸侯盟主。亦宜哉。死而棄民。收其良臣而從死。且先王崩。尚猶遺德。垂法。况奪之善人良臣。百姓所哀者乎。是以知秦不能復東征也。繆公子四十人。其太子瑩代立。是為康公。康公元年。往歲繆公之卒。晉

襄公亦卒。襄公之弟名雍。秦出也。在秦。晉趙盾欲立之。使隨會正義曰。韓

卿士。蕩之孫。成伯之子。季武子也。食菜於隨。范。故曰隨會。或曰范會。季范子字。來迎

雍。秦以兵送至。令狐杜預曰。在河東。正義曰。括

敗隨會。來奔。二年。秦伐晉於武城正義曰。括

取少梁正義曰。前入秦。後

六年。秦伐晉。取羈

武城一名武平城。報令狐之役。四年。晉伐秦

在華州鄭縣東北。取少梁。正義曰。前入秦。後六年。秦伐晉。取羈

馬服虔曰戰於河曲大敗晉軍晉人患隨會

在秦為亂乃使魏雒餘詳反之服虔曰魏雒晉

正義曰雒音受又合謀會詐而得會會遂歸

晉康公立十二年卒子共公立索隱曰名假

又並共公二年晉趙穿弑其君靈公三年楚

莊王疆北兵至雅問周鼎共公立五年卒子

桓公立桓公三年晉敗我一將十年楚莊王

服鄭北敗晉兵於河上當是之時楚霸為會

盟合諸侯二十四年晉厲公初立與秦相公

夾河而盟歸而秦倍盟與翟合謀擊晉二十

六年晉率諸侯伐秦秦軍敗走追至涇而還

相公立二十七年卒子景公立徐廣曰世本

伯車也○索隱曰景公已下景公四年晉藥

書弑其君厲公十五年救鄭敗晉兵於櫟杜預

日晉地也○正義曰櫟音歷括是時晉悼公

為盟主十八年晉悼公疆數會諸侯率以伐

景公

秦敗秦軍秦軍走晉兵追之遂渡涇至棧林

而還徐廣曰棧音域二十七年景公如晉

與平公盟已而背之三十六年楚公子圍弑

其君而自立是為靈王景公母弟后子鍼義止

日音有寵景公母弟富或譖之恐誅乃奔晉

車重千乘晉平公曰后子富如此何以自亡

對曰秦公無道畏誅欲待其後世乃歸三十

九年楚靈王彊會諸侯於申正義曰在鄧為

盟主殺齊慶封景公立四十年卒子哀公立

索隱曰始皇本紀作理公后子復來歸秦哀公八年楚公

子棄疾弑靈王而自立是為平王十一年楚

平王來求秦女為太子建妻至國女好而自

娶之十五年楚平王欲誅建建亡正義曰太子建亡之

鄭鄭伍子胥奔吳晉公室卑而六卿彊欲內

相攻是以久秦晉不相攻三十一年吳王闔

閭與伍子胥伐楚楚王亡奔隨吳遂入郢楚

背作倍

鍼上歲

車音居

大夫申包胥來告急正義曰包胥姓公孫封於申故號申包胥左傳

云申包胥如秦乞師曰吳為封豕長蛇以荐食上國虐始於楚寡君失守社稷越在草莽

使下臣告急曰夷德無厭若鄰於君疆場之患也逮吳之未定君其取分焉若楚之遂亡

君之亡也若以君靈撫之世以事君七日不食日夜哭泣正義曰左

傳云申包胥對秦伯曰寡君越在草莽未獲所伏下臣何敢即安立依於庭墻而哭日夜

不絕聲勺飲不入口七日秦哀公為賦無衣九頓首而坐秦師乃出於是秦乃

戮五百乘救楚正義曰左傳魯定公五年秦子蒲子虎帥車五百乘以救

楚敗吳師於軍祥敗其師吳師歸楚昭王乃得復入

郢哀公立三十六年卒太子夷公夷公蚤死

不得立立夷公子是為惠公元年孔子

行魯相事五年晉卿中行范氏及晉晉使智

氏趙簡子攻之范中行氏亡奔齊惠公立十

年卒子悼公立悼公二年齊臣田乞弑其君

孺子立其兄陽生是為悼公六年吳敗齊師

齊人弑悼公立其子簡公九年晉定公與吳

王夫差爭長於黃池卒先吳徐廣曰外傳吳云吳王先飲

盟

史記已見

二十四

伯李

疆陵中國十二年齊田常弒簡公立其弟平

公常相之十三年楚滅陳秦悼公立十四年

卒子厲共公立孔子以悼公十二年卒厲共

公二年蜀人來賂十六年塹河旁以兵二萬

伐大荔取其王城徐廣曰今之臨晉也臨晉有王城○正義曰荔音戾

括地志云大荔近王城邑二十一年初縣頻陽地理志馮翊有頻陽

縣○正義曰括地志云頻陽故城在雍州同官縣界古頻陽縣城也晉取武成

二十四年晉亂殺智伯分其國與趙韓魏二

十五年智開與邑人來奔徐廣曰一本二十年

正義曰開應助曰三十二年伐義渠虜其王義渠北

地也○正義曰括地志云寧慶二州春秋及戰國時為義渠戎國之地也三十四

年日食厲共公卒子躁公立躁公二年南鄭

反正義曰南鄭今梁州所理縣也十三年義

渠來伐至渭南十四年躁公卒立其弟懷公

索隱曰厲共公子也生昭太子懷公四年庶

長鼂正義曰長丁丈反鼂與大臣圍懷公懷

公自殺懷公太子曰昭子蚤死大臣乃立太

子昭子之子是為靈公靈公懷公孫也靈公

六年晉城少梁秦擊之十三年城籍姑靈公

率子獻公不得立索隱曰獻公名即昭立靈公季父悼

子是為簡公簡公昭之弟而懷公子也索隱曰簡

公懷公弟靈公季父也子惠公立始皇本紀云靈公生簡公誤也又紀年云簡公九年卒

次敬公立十二年卒乃立惠公○正義曰劉伯莊云簡公是昭子之弟懷公之子厲公之

孫今史記為簡公是厲公子者抄寫之誤簡公六年令夷初帶劍

澠洛城重泉地理志重泉縣屬馮翊○正義曰重泉直龍反括地志云重泉故城在同州蒲城縣東南十六年卒徐廣曰表云十五年也子惠公

立惠公十二年子出子生十三年伐蜀取南

鄭惠公率出子立出子二年庶長改迎靈公

之子獻公子河西而立之正義曰西者秦州西將秦之舊地特

獻公在西縣殺出子及其母沈之淵旁秦以

往者數易君君臣乖亂故晉復疆奪秦河西

地正義曰奪前獻公元年徐廣曰丁酉止從死二

地正義曰奪前獻公元年徐廣曰丁酉止從死二

年城櫟陽徐廣曰徙都之四年正月庚寅孝

公生十一年周大史儋見獻公曰周故與秦

國合而別別五百歲復合合七十七歲而霸

王出十六年桃冬花十八年雨金櫟陽二十

一年與晉戰於石門斬首六萬天子賀以黼

黻周禮曰白與黑謂之黻二十三年與魏晉戰

少梁虜其將公孫痤正義曰痤在戈反二十四年獻

公卒徐廣曰表云子孝公立索隱曰名渠梁年巳二

十一歲矣孝公元年徐廣曰庚申也河山以東疆國

六與齊威楚宣魏惠燕悼韓哀趙成侯並淮

泗之間正義曰並白浪小國十餘楚魏與秦

接界正義曰楚北及魏西與秦相接北自梁

郡也魏西界與秦相接南自華州鄭縣西北

過渭水瀕洛水東岸向北有上郡鄜州之地

皆築長城以界秦魏築長城自鄭濱洛以北

有上郡楚自漢中南有巴黔中周室微諸侯

力政爭相併秦僻在雍州不與中國諸侯之

會盟夷翟遇之孝公於是布惠振孤寡招戰
士明功賞下令國中曰昔我穆公自岐雍之
間修德行武東平晉亂以河為界西霸戎翟
廣地千里天子致伯諸侯畢賀為後世開業
甚先義會往者厲蹀簡公出子之不寧國家
內憂未遑外事三晉攻奪我先君河西地諸
侯卑秦醜莫大焉獻公即位鎮撫邊境徙治
櫟陽且欲東伐復穆公之故地脩穆公之政

今寡人思念先君之意常痛於心賓客群臣
有能出奇計彊秦者吾且尊官與之分土

是乃出兵東圍陝城西斬戎之獮主

地理志
天亦有

獮道縣應劭曰獮戎邑音桓衛鞅聞是令下西入秦因景

監正義曰監甲求見孝公二年天子致胙三

年衛鞅說孝公變法脩刑內務耕稼外勸戰

死之賞罰孝公善之甘龍杜摯等弗然相與

爭之卒用鞅法百姓皆之居三年百姓便之

乃拜鞅為左庶長其事在商君語中七年與

魏惠王會杜平八年與魏戰元里有功十年

衛鞅為大良造將兵圍魏安邑降之地理志曰河東

有安邑縣十二年作為咸陽築冀闕正義曰劉伯莊云冀猶記

事闕即秦徙都之并諸小鄉聚正義曰萬二

鄉聚猶村也集為大縣縣一令漢書百官表曰

萬戶以上為令秩千石至六百石減萬戶為長秩五百石至三百石皆有丞尉四十

一縣為田開阡陌索隱曰風俗通曰南北曰阡東西曰陌河東以東西

為阡南東地渡洛十四年初為賦徐廣曰制

也譙周曰初為軍賦十九年天子致伯正義曰伯音霸

子始封二十年諸侯畢賀秦使公子少官率

師會諸侯逢澤徐廣曰開封東北有逢澤正義曰括地志云逢澤亦名

逢池在汴朝天子二十一年齊敗魏馬陵正義

曰虞喜志林云濮州甄城縣東北有馬陵澗谷深可置伏按濮州縣此也

擊魏虜魏公子邛封鞅為列侯號商君正義曰商

州商洛縣二十四年與晉戰鴈門索隱曰紀年云與魏戰岸門此

漢書曰商君之法於秦
戰新者者則爵一級
乃官者五十七其爵名
為士三上造三晉晉
四不更五大夫六公大夫
七大夫八公乘九五大夫
左庶長十右庶長十一
更上中更十四右更
五少上造十六大上造
七駟車庶長十八
庶長十九內保

云一鴈門恐聲誤也又下云敗韓岸門蓋一地也尋秦與韓魏戰不當遠至鴈門也○正義曰括地志云岸門在許州長杜縣今在歐州虜其將魏錯正義曰錯孝公卒子惠文君立索隱曰名軻是歲誅衛鞅鞅之初為秦施法正義曰太子法不行太子犯禁鞅曰法之不行自於貴戚君必欲行法先於太子太子不可黥黥其傅師於是法大用秦人治及孝公卒太子立宗室多怨鞅鞅亡因以為反車裂以徇秦國惠文君元年楚韓趙蜀人來朝二

魏太子
車裂

年天子賀三年王冠四年天子致文武胙齊

魏為王索隱曰齊威王魏惠王五年陰晉人犀首為大

良造犀首官名姓六年魏納陰晉陰晉更名

寧秦徐廣曰今華陰也七年公子卬與魏戰虜其將

龍賈斬首八萬八年魏納河西地九年渡河

取汾陰皮氏地理志云二縣屬河東○正義曰汾陰在蒲州皮氏

在絳州龍門縣與魏王會應正義曰應乙陵反括地

名古之應國在汝州魯山縣東圍焦降之正義曰焦城在陝州城內東北因焦

水為名按武王克商封神農之後於焦而後封姬姓十年張儀相秦魏

納上郡十五縣正義曰魏前納陰晉次納同

盡河西濱十一年縣義渠正義曰括地志云

地郡戰國及春秋特為義渠我國之地古西戎也歸魏焦曲沃義渠

君為臣更名少梁曰夏陽十二年初臘正義曰十

二月臘日也秦惠文王始效中國為之故十

三年四月戊午魏君為王韓亦為王正義曰

韓宣惠王使張儀伐取陝出其人與魏十四年更

王維禎曰後世改元倣此

王維禎曰書張儀相魏相楚秦之誦計盡露矣魏楚何事乃為所愚哉

為元年二年張儀與齊楚大臣會齧桑三年

韓魏太子來朝張儀相魏五年王游至北河

徐廣曰戎七年樂池相秦正義曰樂音岳池

韓趙魏燕齊帥匈奴共攻秦秦使庶長疾與

戰脩魚虜其將申差正義曰脩魚韓邑也敗趙公子渴

韓太子奂斬首八萬二年張儀復相秦

九年司馬錯伐蜀滅之伐取趙中都西陽地理

志太原有中都縣○正義曰括地志云中都故縣在汾州平遙縣西即西都也西陽即中

陽也在汾州隰城縣南地理志云西都中陽屬西河郡十年韓太子蒼

來質伐取韓石章正義曰伐敗趙將泥徐廣曰

一作莊伐取義渠二十五城十一年禱里疾攻

魏焦降之敗韓岸門斬首萬其將犀首走公

子通封於蜀徐廣曰是歲燕君讓其臣子之

十二年王與梁王會臨晉庶長疾攻趙虜趙

將莊張儀相楚十三年庶長章擊楚於丹陽

虜其將屈匄斬首八萬又攻楚漢中取地六

百里置漢中郡楚圍雍氏秦使庶長疾助韓

而東攻齊到滿助魏攻燕正義曰滿或作十

四年伐楚取名陵丹犁臣蜀正義曰二戎號

相殺蜀侯并丹犁二國降蜀相壯徐廣曰壯殺

蜀侯來降惠王卒子武王立索隱曰韓魏齊

楚越徐廣曰越皆宥從武王元年與魏惠王

會臨晉徐廣曰表云哀王○正義曰誅蜀相

壯張儀魏章皆京出之魏伐義渠丹犁二年

初置丞相也應劭曰丞者承也相者助也 禕里疾甘茂為左

右丞相張儀死於魏三年與韓襄王會臨晉

外正義曰謂臨晉城外字一作水南公揭率禕里疾相韓

武王謂甘茂曰寡人欲容車通三川窺周室

死不恨矣其秋使甘茂庶長封伐宜陽正義曰在

河南府福昌縣故陽城是也此韓之大都取之三川路乃通也四年拔宜陽

斬首六萬涉河城武遂徐廣曰韓邑魏太子來朝

武王有力好戲力士任鄙烏獲孟說皆至大

星覽曰秦武王死在扶
公孫及勝四元畢有中
外是也人以為周室家
也周室家在於
我曰括也云秦悼也
後在別錄四十五

官王與孟說舉鼎絕膾徐廣曰一作脰○正

也八月武王死族孟說武王取魏女為后無

子立異母弟是為昭襄王索隱曰名昭襄王

母楚人姓芊氏號宣太后武王死時昭襄王

為質於燕燕人送歸得立昭襄王元年嚴君

疾為相正義曰蓋封蜀郡嚴道甘茂出之魏

二年彗星見正義曰彗似歲庶長壯與大臣

諸侯公子為逆皆誅及惠文后皆不得良死

徐廣曰迎悼武王后出歸魏三年王冠與楚

王會黃棘正義曰在房襄二州與楚上庸地理志漢中有上庸縣○

正義曰括地志今房州竹邑縣及金州是也四年取蒲坂正義曰蒲州河東縣南

彗星見五年魏王來朝應亭

徐廣曰魏世家云會臨復與魏蒲坂六年蜀

侯輝反索隱曰華陽國志曰秦封王子輝為

錯以進王大怒使司馬錯賜輝劍此輝不同也司馬錯定蜀庶長與

伐楚斬首二萬涇陽君質於齊索隱曰日食

晝晦七年拔新城正義曰年表云秦敗楚襄

世家年表新字誤作襄襄城縣即古新城縣按穰里子牟八年使將

軍芋戎攻楚取新市晉帝記曰江齊使章子

魏使公孫喜韓使暴為共攻楚方城取唐昧

趙破中山其君亡竟死齊魏公子勁韓公子

長為諸侯索隱曰別封之九年孟嘗君薛文

來相秦與攻楚取八城殺其將景快十年楚

懷王入朝秦秦留之薛文以金受免正義曰金受秦

索隱曰
暴長
將姓名

丞相姓名免樓緩為丞相十一年齊韓魏趙

宋中山五國共攻秦正義曰中山此時屬趙故云五國至鹽

氏而還徐廣曰鹽一作監○正義曰括地志

縣按掌鹽池秦與韓魏河北乃封陵以和彗

星見楚懷王走之趙趙不受還之秦即死歸

蔡十二年樓緩免穰侯正義曰括地志云穰

國魏冉為相予楚粟五萬石十三年向壽伐

韓取武始地理志魏郡有武始縣○正義曰

左更白起攻新城五大夫禮出亡奔魏任

鄙為漢中守漢書百官表十四年左更白起

攻韓魏於伊闕正義曰括地志云伊闕在洛

門以通水兩山相對望之若斬首二十四萬

虜公孫喜拔五城十五年大良造白起攻魏

取垣復予之攻楚取宛十六年左更錯取軹

及鄧地理志云河內有軹縣南陽有鄧縣○

鄧城在懷州河陽縣西並魏冉免封公子市

宛公子悝索隱曰悝號高陵君初魏冉陶

為諸侯十七年城陽君正義曰括地志云漢

縣古郟伯姬姓之國周武王封入朝及東周

君來朝秦以垣為蒲坂皮氏索隱曰為當為

王之宜陽十八年錯攻垣河雍決橋取之徐廣

日汲冢紀年魏哀王二十四年改宜十九年

王為西帝齊為東帝皆復去之呂禮來自歸

齊破宋宋王在魏死温任鄙卒二十年徐廣曰秦

地有父王之漢中又之上郡北河二十一年

徐廣曰秦有牡錯攻魏河內魏獻安邑秦出

其人募徙河東賜爵赦罪人遷之涇陽君封

宛二十二年蒙武伐齊河東為九縣與楚王

會宛與趙王會中陽地理志西河二十三年

尉斯離正義曰尉離名與三晉燕伐齊破之濟

西王與魏王會宜陽與韓王會新城二十四

年與楚王會鄢正義曰鄢於建反又音偃括

王為西帝齊為東帝皆復去之呂禮來自歸

縣北古郢地理志云汝又會穰秦取魏安城南有安城縣

正義曰括地云安城在豫州汝陽縣東南至大梁燕趙救之秦

軍去魏冉免相二十五年拔趙二城與韓主

會新城與魏王會新明邑二十六年赦罪人

遷之穰侯冉復相二十七年錯攻楚赦罪人

遷之南陽白起攻趙取代光狼城正義曰括地志云光

狼故城在澤州高平縣西又使司馬錯發隴西因蜀攻楚

黔中正義曰黔中今黔府拔之二十八年大良造白起攻

楚取鄢郢赦罪人遷之二十九年大良造白

起攻楚取郢為南郡正義曰括地志云郢在荆州江陵縣東北楚

王走周君來王與楚王會襄陵地理志河東有襄陵縣

白起為武安君三十年蜀守若伐取巫郡正義

曰括地志云巫郡在夔州東百及江南為黔

中郡三十一年白起伐魏取兩城楚人反我

江南三十二年相穰侯攻魏至大梁破暴鳶

斬首四萬鳶走魏入三縣請和三十三年客

楚平王葬於鄢之北

卿胡傷攻魏卷地理志河南有卷縣○正義曰卷丘權反括地志云故城

在鄴州蔡陽長社取之地理志潁川有長社縣○正義曰括地志云

蔡陽今豫州蔡水之陽長社故城在許州長社縣西擊芒卯華陽破之芒卯

司馬彪曰華陽亭名在密縣○索隱曰芒卯魏將難周二云孟加也○正義曰括地志云故

華城在鄭州管城縣南斬首十五萬魏入南陽以和徐廣

日河內脩武古曰南陽秦始皇更名三十四河內屬魏地荆州之南陽郡屬韓地

年秦與魏韓上庸地為一郡南陽免臣遷居

之三十五年佐韓魏楚伐燕初置南陽郡三

十六年客卿竈攻齊取剛壽正義曰括地志

州襲丘縣界予穰侯三十八年中更胡傷攻

趙閼與孟康曰閼音焉與音預不能取四十

年悼太子死魏歸葬芷陽徐廣曰今霸陵○

在雍州藍田縣西四十一年夏攻魏取邢丘懷徐廣

丘在平阜翹按韓信外傳武王伐紂到于邢丘勒兵於窳更名邢丘曰懷窳曰徐武

十二年安國君為太子十月宣太后薨徐廣曰

葬芷陽酈山正義曰酈力知反九月穰侯

出之陶四十二年武安君白起攻韓拔九城

斬首五萬四十四年攻韓南郡取之四十五

年五大夫賁正義音奔五大夫官賁名攻韓取十城葉陽

一云華陽○正義曰葉車涉反出之國未至而死四十七

年秦攻韓上黨上黨降趙秦因攻趙趙發兵

擊秦相距秦使武安君白起擊大破趙於長

平四十餘萬盡殺之四十八年十月韓獻垣

雍司馬彪曰河南秦軍分為三軍武安君歸

王齕將伐趙武安皮牢拔之司馬梗北定大

原盡有韓上黨正月兵罷復守上黨其十月

五大夫陵攻趙邯鄲四十九年正月益發卒

佐陵陵戰不善免王齕代將其十月將軍張

唐攻魏為蔡尉正義曰為于偽捐弗守還斬

之五十年十月武安君白起有罪為士伍遷

陰密如淳曰嘗有爵而以罪奪爵皆稱士伍

○正義曰括地志云陰密故城在涇州

鶡觚縣西即張唐攻鄭拔之十二月益發卒

古密須國

軍汾城旁正義曰括地志云臨汾故城在絳州正平縣東北武安君

白起有罪死齧攻邯鄲不拔去還奔汾軍二

月餘攻晉軍斬首六千晉楚流死河二萬人

徐廣曰楚一作走○正義曰攻汾城即從唐

拔寧新中徐廣曰寧一作曼此趙邑也○正義曰唐今晉州平陽堯都也括地

志云寧新中七國時魏邑秦昭襄拔寧新中更名安陽城即今相州外城是也寧新

中更名安陽徐廣曰魏郡初作河橋正義曰

同州臨晉縣今東唐河至蒲州五十二年將軍摎攻韓取陽

城負黍止義曰今斬首四萬攻趙取二十餘

縣首虜九萬西周君正義曰背秦與諸侯約

從將天下銳兵出伊闕攻秦令秦毋得通陽

城於是秦使將軍摎攻西周西周君走來自

歸頓首受罪盡獻其邑三十六城口三萬秦

王受獻歸其君於周五十二年周民東亡其

器九鼎入秦正義曰禹貢金九牧鑄鼎於荆山下各象九州之物秦昭王取

九鼎然一飛入泗初亡五十二年天下來

王應麟曰秦昭王五十二年滅周是歲漢高祖生于豐沛天道之倚伏可畏哉

賓魏後秦使穆伐魏取吳城徐廣曰在太陽韓王入

朝魏委國聽令五十四年王郊見上帝於雍

五十六年秋昭襄王卒子孝文王立索隱曰名柱五

十三而立立一年卒葬壽陵子莊襄王尊唐八子為唐太后徐廣

曰八子者妾媵之號正義曰而合其葬於

先王正義曰以其母韓王襄經入弔祠諸侯

皆使其將相來弔祠視喪事孝文王元年赦

罪人修先王功臣褒厚親戚施苑囿孝文王

除喪十月己亥即位三日辛丑卒子莊襄王

立索隱曰名子楚三十二而立莊襄王元年

大赦罪人修先王功臣施德厚骨肉而布惠

於民東周君與諸侯謀秦秦使相國呂不韋

誅之盡入其國秦不絕其祀以陽人地地理

南梁縣有賜周君奉其祭祀使蒙驁伐韓韓

獻成臯鞏正義曰括地志云成臯亦名虎牢

得其地秦界至大梁初置三川郡韋昭曰有

日三川駟案地理志二年使蒙騫攻趙定太

原三年蒙騫攻魏高都汲徐廣曰一作波

義曰括地志云高都故城今澤州是汲故在

衛州所理汲縣孟康云漢汲縣今都城是也

故邠城在懷州河內縣西按之攻趙榆次新城狼孟正義

地志云榆次并州縣即古榆次地新城一名

小平城在朔州善陽縣狼孟故城在并州陽

曲取三十七城四月日食四年王齧攻上黨

又反秦故攻初置太原正義曰上黨以魏將

無忌率五國兵擊秦正義曰信陵君率燕秦

邠於河外邠音却河外蒙騫敗解而去五月

丙午莊襄王子政立是為秦始皇帝索隱曰

立立二十有七年秦王政立二十六年初并

天下為三十六郡號為始皇帝索隱曰

一年而崩子胡亥立是為二世皇帝索隱曰

立紀云二十一立三年葬宜春秦自襄公至

二世九六百一十七歲此實本紀而註別舉

之以非三年諸侯並起叛秦趙高殺二世立

子嬰子嬰立月餘諸侯誅之遂滅秦其語在

正義曰蒙騫被五國
兵敗在解而却更於河
外河外陝華二州也

括地志

始皇本紀中

太史公曰秦之先為嬴姓其後分封以國為

姓有徐氏鄭氏莒氏終黎氏徐廣曰世本鍾

註云有姓運奄氏菟裘氏將氏梁氏黃氏江

氏嬴氏魚氏白冥氏蜚廉氏秦氏然秦以先

造父封趙城為趙氏其本

索隱述贊曰趙之先為秦故皇帝封趙

柏翳佐舜皂游是旌蜚廉事紂

石椁斯營 造父善馭 封之趙城

非子息馬 厥躄秦嬴 禮樂射御

西垂有聲 襄公救周 始命列國

金祠白帝 龍祚水德 祥應陳寶

妖除豐特 里奚致霸 衛鞅任刻

厥后吞并 卒成凶慝

秦本紀第五

史記五

曰正音政周正建子之正年十三歲莊襄王

也後以始皇諱故音征

死政代立為秦王當是之時秦地已并巴蜀

漢中越宛有郢置南郡矣北收上郡以東有

河東太原上黨郡東至滎陽滅二周置三川

郡呂不韋為相封十萬戶號曰文信侯招致

賓客游士欲以并天下李斯為舍人文類曰

軍徐廣曰一作斃○應劭曰庶秦邑○索隱

楊慎曰此後俱編年者帝紀也

王王昭王二十九年代大夫陵伐趙者庶公

蓋庶邑公史失其姓名○正義曰鯨魚綺反

庶彼王年少初即位委國事大臣晉陽反

元年將軍蒙驁擊定之

二年庶公將卒攻卷正義曰卷丘身反斬首三萬

三年蒙驁攻韓取卅三城王齮死十月將軍

蒙驁攻魏氏賜有詭徐廣曰賜音揚○索隱曰音暢魏之邑名

大飢

四年拔賜有詭三月軍罷秦質子歸自趙趙

按內粟拜爵
始此

太子出歸國十月庚寅蝗蟲從東方來蔽天

天下大疫百姓內粟千石拜爵一級

五年將軍鰲攻魏定酸棗地理志陳留燕虛

長平徐廣曰一作千駟按地理志汝南有長平縣○索隱曰二邑名春秋相十二年

會于雍丘山陽城地理志陳留有雍丘縣河

於用皆拔之取二十城初置東郡冬雷

六年韓魏趙衛楚共擊秦取壽陵正義曰徐廣云在常

趙邑也秦出兵五國兵罷拔衛迫東郡其君

角率其支屬徙居野王阻其山以保魏之河

內身計於子之山則

七年彗星先出東方見北方五月見西方正義

日彗似將軍鰲死以攻龍孤慶都徐廣曰慶

還兵攻汲彗星復見西方十六日夏太后死

索隱曰莊襄王所生母

八年王弟長安君成蟜正義曰蟜將軍擊趙

死屯留正義曰屯留故城在潞州長子縣軍吏皆斬

按習李記言云
始皇七年九年
十三年二十三年
彗星縱橫竟
天不獨告六國
滅亦告秦亡也

按此一段四節
文法如左

按京房易傳云
中逆同志厥妖
河魚逆流上是
歲地皇弟長安
君及明年娶毒
及

死遷其民於臨洮正義曰臨洮水故名將軍

壁死正義曰言成蟜卒屯留蒲鶮反戮其屍

徐廣曰鶮一作鶮屯留蒲鶮皆地名也壁於此

高地時士卒死者皆戮其屍正義曰鶮音

高河魚大上索隱曰謂河水溢魚大輕車重

馬東就食徐廣曰一無此重字○索隱曰言

大上為災人遂東就正義曰上躬虬封

食皆輕車重馬而去正義曰上躬虬封

為長信侯子之山陽地正義曰括地志云山

陽故城在懷州修武

行山東南今毒居之宮室車馬衣服苑囿馳

獵恣毒事無小大皆決於毒又以河西太原

郡更為毒國

九年彗星見或竟天攻魏垣蒲陽正義曰垣

四月上宿雍尊位所在也已酉王冠帶劍徐

正義曰冠音權長信侯毒作亂而覺矯王御

璽蔡邕曰璽者印信也及太后璽以發縣率及衛卒官

騎戎翟君公舍人將欲攻斬年官為亂地理

史記紀六

按鬼薪即今徒囚

素索隱曰昌平君楚之公子立以為相後徙於郢項燕立以為荆王史失其名昌文君名亦不知也戰咸陽斬首數百百皆拜爵及宦者皆

在戰中亦拜爵一級毒等敗走即令國中有

生得毒賜錢百萬殺之五十萬盡得毒等衛

尉竭漢書百官表內史肆佐弋竭漢書百官表曰秦時

少府有佐弋漢武帝改為伏飛中大夫令齊

等正義曰中大夫令二十人皆梟首梟首於木上

車裂以徇滅其宗及其舍人輕者為鬼薪應劭

日取薪給宗廟為鬼薪如及奪爵遷蜀四千

餘家家房陵正義曰括地志云房陵即今房州房陵縣古楚漢中郡地四

月寒凍有死者楊端和攻衍氏索隱曰端和秦將衍氏魏

邑彗星見西方又見北方從斗以南南八十日

十年徐廣曰甲子相國呂不韋坐嫪毐免桓齮為

將軍齊趙來置酒齊人茅焦說秦王曰秦方

以天下為事而太王有遷母太后之名忍諸

侯聞之由此倍秦也秦王乃迎太后於雍而

八咸陽

說苑曰始皇立茅焦為傅又爵之上

安秦社稷使妾母子復相見者茅君力也復居甘泉宮

徐廣曰表云咸陽南

也宮大索逐客李斯上書說乃止逐客令李斯

因說秦王請先取韓以恐他國於是使李斯

韓韓王患之與韓非謀弱秦大梁人尉繚來

說秦王曰以秦之彊諸侯譬如郡縣之君臣

但恐諸侯合從翕而出不意此乃智伯夫差

湣王之所以亡也願大王毋愛財物賂其豪

臣以亂其謀不過亡三十萬金則諸侯可盡

秦王從其計見尉繚亢禮衣服食飲與繚同

繚曰秦王為人蜂准徐廣曰蜂一作隆長目

鸞鳥膺正義曰鸞鳥鶻膺豺聲少息而虎狼

心居約易出人下正義曰易得志亦輕食人

我布衣然見我常身自下我誠使秦王得志

於天下天下皆為虜矣不可與久游乃亡去

秦王覺固止以為秦國尉率用其計策而李

王維禎曰尉繚之

識皇帝范蠡之

識勾踐其言正

同然尉繚乃貪

榮好爵之士其

亡去實偽蓋試

始皇耳不若范

蠡之真去也

按高祖以四十

萬金恣陳平

行間本此

斯用事

十一年王翦桓齮楊端和攻鄴取九城王翦

攻關與撩揚徐廣曰撩音老在并州皆并為一軍翦將

十八日軍歸斗食以下漢書百官表曰百石以下有斗食佐史秩

什推二人從軍索隱曰言王翦為將軍中皆歸斗食以下無功佐史什中

惟擇二人取鄴安陽桓齮將

十二年文信侯不韋死竊葬索隱曰按不韋飲鴆死其實客

數千人竊共葬於洛陽北芒山其舍人臨者晉人也逐出之

正義曰勝力禁反臨哭也秦人六百石以上

奪爵遷正義曰上時掌反若是秦人五百石

以下不臨遷勿奪爵正義曰若是秦人不哭臨不韋者不奪官爵亦

自今以來操國事不道如嫪毐不韋者

籍其門視此徐廣曰門一作文索隱曰謂籍沒其一門皆為徒隸後並視

秋復嫪毐舍人遷蜀者

當是之時天下大旱六月至八月乃雨

十三年桓齮攻趙平陽正義曰括地志云故城在相州臨漳縣西

殺趙將扈輒斬首十萬王之河南正月彗星見東方十月桓齮攻趙

十四年攻趙軍於平陽取宜安正義曰括地志云故城在

常州藁城縣西南破之殺其將軍桓齮定平陽武城

正義曰即貝州武成縣韓非使秦秦用李斯謀留非非

死雲陽正義曰括地志云在雍州雲陽縣韓王請為臣

十五年大興兵一軍至鄴一軍至太原取狼

孟地理志太原有狼孟縣地動

十六年九月發卒受地韓南陽假守假格雅反守音

仲騰初令男子書年魏獻地於秦秦置麗邑

正義曰括地志云在雍州新豐縣

十七年內史騰攻韓得韓王安盡納其地正義

韓王安九年秦滅之以其地為郡命曰潁川地動華陽

太后卒民大飢

十八年徐廣曰巴郡出大人長二十五丈六尺大興兵攻趙王

翦將上地正義曰上都上縣今綏州等是也下井陘服虔曰陘音刑

山名在常山名爲縣端和將河內羗羗伐趙端和圍邯

鄆城平陽二十五年秦取趙地東陽

十九年王翦羗羗正義曰胡罪反盡定取趙地東陽

得趙王索隱曰趙王遷也○正義曰趙幽繆

王遷八年秦取趙地至平陽平陽在

邯鄆諸嘗與王生趙時母家有仇怨皆阬之

秦王還從太原上郡歸始皇帝母太后崩趙

公子嘉率其宗數百人代之自立為代王東

與燕合兵軍上谷大飢

二十年燕太子丹患秦兵至國恐使荆軻刺

秦王秦王覺之體解正義曰軻以狗而使王

翦辛勝攻燕燕代發兵擊秦軍秦軍破燕易

水之西

二十一年王賁正義曰音奔攻薊乃益發卒詣王

翦軍遂破燕太子軍取燕薊城得太子丹之

首燕王東收遼東而王之正義曰王于放反王翦謝

病老歸新鄭反昌平君徙於郢大雨雪正義曰雨

于偶反深二尺五寸

二十二年王貫攻魏引河灌灌太梁太梁城

壞其王請降索隱曰魏王假也盡取其地

二十三年秦王復召王翦彊起之使將擊荆

正義曰秦號楚為荆以莊襄王名子楚諱之故言荆也取陳以南至平

輿地理志汝南有平輿縣正義曰平輿潁州縣也虜荆王索隱曰荆王負

也秦王游至郢陳荆將項燕立昌平君為荆

王反秦於淮南徐廣曰淮一作江正義曰昌平也

二十四年王翦蒙武攻荆破荆軍昌平君死

項燕遂自殺

二十五年大興兵使王賁將攻燕遼東得燕

王喜正義曰燕王喜之還攻代虜代王嘉王

翦遂定荆江南地正義曰言王翦遂平定楚及江南地降越君置為會

稽降越君正義曰降閩江反楚威王已置會

稽郡五月天下大酺酺服虔曰酺音蒲文穎曰周禮族師掌春秋祭

酺為人物災害之神蘇林曰陳留俗三月上巳水上飲食為酺

二十六年齊王建與其相后勝正義曰音升齊相姓名

發兵守其西界不通秦秦使將軍王賁從燕

南攻齊得齊王建索隱曰六國皆滅也十七年得韓王安十九年得趙

王遷二十二年魏王假降二十三年虜荆王負芻二十五年得燕王喜二十六年得齊王

建正義曰齊王建秦初并天下正義曰

反乃分之丞相史曰異日韓王納地效璽

救令赦書正義曰效請為藩臣已而倍約與趙魏合從

郤

畔秦故興兵誅之虜其王寡人以為善庶幾

息兵革趙王使其相李牧來約盟故歸其質

子正義曰已而倍盟及我太原故興兵誅之

得其王趙公子嘉乃自立為代王故舉兵擊

滅之魏王始約服入秦已而與韓趙謀襲秦

秦兵吏誅遂破之荆王獻青陽以西漢書鄒陽傳曰

擊我南郡故發兵誅得其王遂定其荆地燕水長沙還舟青陽張安曰青陽地名蘇林曰青陽長沙縣是也已而畔約

擊我南郡故發兵誅得其王遂定其荆地燕

王昏亂其太子丹乃陰令荆軻為賊兵吏誅
滅其國齊王用后勝計絕秦使欲為亂兵吏
誅虜其王平齊地寡人以眇眇之身興兵誅
暴亂賴宗廟之靈六主咸伏其辜天下大定
今名號不更無以稱成功傳後世其議帝號
丞相綰御史大夫劫漢書百官表曰御史大夫秦官應劭曰侍御史
之率故稱大夫也○索廷尉斯等漢書百官表曰廷尉
隱曰綰姓王却姓馮秦官應劭曰聽獄必質諸朝廷廷尉皆曰昔者五
與眾共之兵獄同制故稱廷尉

帝地方千里其外侯服夷服諸侯或朝或否

天子不能制今陛下蔡邕曰陛下階也所由外

於陛側以戒不虞謂之陛下者群臣與天子

言不敢指斥故呼在陛下者與之言因卑達

尊之意也上興義兵誅殘賊平定天下海內

為郡縣法令由一統自上古呂來未嘗有五

帝所不及臣等謹與博士議曰漢書百官表

掌通古有天皇有地皇有泰皇索隱曰按天
即云泰皇當人皇也而封禪書云昔者太帝
使素女鼓瑟而悲蓋三皇已前稱泰皇一云

皇泰大 皇也 泰皇最貴臣等昧死上尊號王為泰

皇命為制今為詔 蔡邕曰制書帝者制度之命也其文曰制詔詔書詔

告天子自稱曰朕 蔡邕曰朕我也古者上下共稱之貴賤不嫌則可以

同號之義也臯陶與舜言朕言惠可底行原曰朕皇考至秦然後天子獨以為稱漢因

而不王曰去泰 正義曰去著皇采上古帝位

魏號曰皇帝他如議制曰可 蔡邕曰群臣有所奏請尚書令

奏之下有司曰制天子各之曰可 追尊莊襄王為太上皇 漢高

祖尊父曰太上皇亦放此 制曰朕聞太古有號母謚中古

有號死而以行為謚如此則子議父臣議君

也甚無謂朕弗取焉自今已來除謚法 謚法

所朕為始皇帝後世以計數 正義曰二世三

世至于萬世傳之無窮始皇推終始五德之

傳 鄭玄曰音亭傳索隱曰音張戀反傳次也謂五行之德始終相次也漢書郊祀志曰

齊人鄒子之徒論著終始五德之運始皇采用以為周得火德秦代

周德從所不勝 正義曰勝申證反秦以周為

其所不方今水德之始 索隱曰封禪書曰秦

勝於秦

水

瑞秦皇因自改年始朝賀正義曰周以建子謂為水德也改年始朝賀正義曰周以建子亥之月為正故其年皆自十月朔衣服旄旌節旗正義曰旌音精旄音毛旗音其周禮云折羽為旌熊虎為旗旄節者編毛為之以象竹節漢書云蘇武執節在匈奴牧羊節毛盡落是也韋昭云節者山國用人節澤國用龍節皆以金為之道路以旌節門皆上黑關用符節都鄙用管節皆用竹為之皆上黑正義曰以水德數以六為紀符法冠皆六寸屬北方故上黑數以六為紀符法冠皆六寸而輿六尺六尺為步乘六馬張晏曰水北方六寸為符六尺為步璣曰水數六故以六為名○索隱曰管子司馬法皆云六尺為步

周以為步以人足非獨秦制又按禮記王制曰古者八尺為步今以周尺六尺四寸為步亦不同數更名河曰德水以為水德之始剛毅戾深事皆決於法刻削毋仁息和義然後

合五德之數索隱曰水主陰陰刑殺故於是急法久者不赦丞相綰等言諸侯初破燕齊

荆地遠不為正義曰置王母以填之請立諸子唯上幸許始皇下其議於羣臣羣臣皆以

為便廷尉李斯諫曰周文武所封子弟同姓

甚眾然後屬疏遠相攻擊如仇讎諸侯更相
 誅伐周天子弗能禁止今海內賴陛下神靈
 一統皆為郡縣諸子功臣以公賦稅重賞賜
 之甚足易制天下無異意正義曰易以聯反則安寧
 之術也置諸侯不便多事始皇曰天下共苦戰鬪
 不休以有侯王賴宗廟天下初定又復立國
 是樹兵也而求其寧息豈不難哉廷尉議是
 分天下以為三十六郡三十六郡者三川河
 東南陽南郡九江鄣

郡會稽潁川碭郡泗水薛郡東郡琅邪齊郡
 上谷漁陽右北平遼西遼東代郡鉅鹿邯鄲
 上黨大原雲中九原鴈門上郡隴西西北地漢
 中巴郡蜀郡黔中長沙凡三十五與內史為
 三十六郡○正義曰風俗通云周制天子方
 千里分為百縣縣有四郡故左傳云上大夫
 受縣下大夫受郡秦始皇漢書郡置守尉監百官
 初置三十六郡以監縣也表曰秦郡守掌治其郡有丞尉掌更名民曰
 黔首應劭曰黔亦黎黑也大酺收天下兵應劭曰古者
 聚之咸陽銷以為鍾鐻徐廣曰金人十二重
 各千石正義曰漢書五行志云二十六年有
 大人長五丈足履六尺皆夷狄服凡

十二人見于臨洮故銷兵器鑄而象之謝康
後漢書云銅人十二各重二十四萬斤漢世
在長樂宮門魏志董卓傳云推破銅人十二
銅鑿以鑄小錢關中記云董卓壞銅人十二
枚徙清門裏魏明帝欲將詣洛陽載到霸城
重不可致後石季龍徙之鄴符堅又徙入長
安而銷之英雄記云昔大人見臨洮置廷宮中
洮而銅人鑄至董卓而銅人毀也

一法度衡石丈尺車同軌書同文字地東至
海暨朝鮮正義曰暨其記反朝音朝鮮音仙
海也暨及也東北朝鮮國括地志云高麗治
平壤城本漢樂浪郡王險城即古朝鮮也

西至臨洮羌中正義曰洮吐高反括地志云
臨洮郡即今洮州亦古西羌

之地羌中從臨洮西南羌南至北嚮戶吳都賦曰
州扶松府以西並古羌地開北戶以向日劉達曰日南北據河為塞並
之北戶猶曰北之南戶也陰山至遼東地理志西河有陰山縣○正義
勝等州之北黃河陰山在朔州北塞外徙天
從河傍陰山東至遼東築長城為北界

下豪富於咸陽十二萬戶諸廟及章臺上林
皆在渭南秦每破諸侯寫放其宮室作之咸
陽北阪上徐廣曰在長安西北南臨渭自雍
門徐廣曰在高陵縣○正義曰今岐州雍縣東正以東至涇渭殿屋

復道周閣相屬正義曰復音福屬之欲反廟

揚五枚東至河西至河渭之交東西八百里離宮別館相望屬地木衣文繡土被朱紫宮

人不徒窮年忘歸猶不能適及所得諸侯美人鍾鼓以充入

之正義曰復音福屬之欲反廟

二十七年始皇巡隴西正義曰今隴右北地正義曰

出雞頭山正義曰括地志云雞頭山在成州

百六十里鄜元云蓋大隴山異名也按原州

高縣西百里亦有筭頭山在京西北八百里

黃帝雞山之所過回中應劭曰回中在安定高平

義曰括地志云回中宮在雍州之西作信宮渭南已更命信宮

為極廟象天極索隱曰為官廟象天極故曰

是自極廟道通鄜山作甘泉前殿築甬道

日甬音勇應劭云謂於甬道外自咸陽屬之

是歲賜爵一級治馳道應劭曰馳道天子之

然漢書貫山傳曰秦為馳道於天下東極燕

齊南極吳楚江湖之上濱海之觀畢至道廣

五十步三丈而樹厚築其外隱以金椎樹以青松

二十八年始皇東行郡縣上鄒嶧山韋昭曰

廣四万

縣

山在其北○正義曰嶧音亦國系云邾嶧山亦名鄒山在兗州鄒縣南魯繆公改邾作鄒其山遂從立石與魯諸儒生議刻石頌秦德

議封禪義正曰晉大康地記云為壇於太山以示增高也為壇於梁父以祭地示

壇廣也祭尚玄酒而俎魚壇皆廣長十二丈壇高三尺階三等而樹石太山之上高二丈

一尺廣望祭山川之事乃遂上泰山正義曰

三尺秦之刻石也曰岱宗東嶽也在兗州博城縣西北郭璞云從泰山下至山頭百四十八里三百步道書

編地記云泰山高四千九百丈二尺周迴二

千里多芝草玉石及有長津甘泉仙人室立石封祠祀服虔曰增天之高歸功於天張晏曰天高不可於及泰山上立

元經曰梓奉始皇封松為五大夫李誠之味松云半依高岫倚雲瑞獨立亭之耐歲寒一事

願為清節累秦時曾作大夫官夫私本無却之物一為麻秦名寵所深猶不免萬世之包彈烈士大夫其於進退辭受之際可苟哉

楊慎曰老子明道若昧章皆三句為韻李斯刻石文体亦有所祖也

封禪而祭冀近神靈也噴曰積土為壇而祭之下風南

暴至休於樹下因封其樹為五大夫正義曰

復音禪梁父服虔曰禪闡廣土地也噴曰古者聖王封泰山禪亭亭或梁父

皆太山下小山除地為壇祭於梁父後改壇曰禪正義曰父音甫在兗州泗水縣北八十里

刻所立石其辭曰皇帝臨位作制明法臣下

脩飭索隱曰此泰山刻石銘其詞每三句為韻凡十二韻下之眾竭石會稽三銘皆

然○正義曰二十有六年初并天下罔不賓服

親巡遠方黎民登茲泰山周覽東極從臣思

按古者帝在而云遺詔

迹正義曰從財用反本原事業祇誦功德治道運行正義曰音指

諸產得宜皆有法式大義休明垂于後世順

承勿革皇帝躬聖既平天下不懈於治夙興

夜寐建設長利專隆教誨訓經宣達遠近畢

理咸承聖志貴賤分明男女禮順慎遵職事

昭隔内外徐廣曰隔一作融靡不清淨施于後嗣化

及無窮遵奉遺詔永承重戒於是乃並勃海

以東正義曰並白浪反過黃腫地理志東萊有黃縣腫縣

○正義曰腫逐瑞反或作陸括地志云黃縣故城在萊州黃縣東南古萊子國也年平

別在黃縣南十三州志窮成山登之眾地理志之

眾在萊州文登縣東北成山在文登縣西北

窮猶登極也封禪書云八神五曰陽主祠之

眾七日曰日主祠成山斗入海又云之眾

山在海中文登立石頌秦德焉而去南登琅

邪正義曰今兗州東沂大樂之留三月乃徙

黔首三萬戶琅邪臺下地理志云越王句踐嘗治琅邪縣越臺館

○索隱曰山海經即耶臺在渤海間蓋海畔有山邪如臺在琅邪故曰琅邪臺○正義曰

按下文越當外起

括地志云密州諸城縣東南有琅邪臺故吳春秋越王勾踐徙都琅邪立觀臺以望東海此即勾踐復十二歲正義曰復音福復起臺處三萬戶徙臺下者作琅

邪臺立石刻頌秦德明德意曰索隱曰二維

二十六年皇帝作始端平法度萬物之紀以

明人事合同父子聖智仁義顯白道理東撫

東土以省卒士事已大畢乃臨于海皇帝之

功勤勞本事上農除末黔首是富普天之下

搏心揖志索隱曰搏古專字左傳云器械一

量正義曰內成曰器甲曹兪整之屬外成曰械戈矛弓戟之屬一量者同度量之義

同書文字日月所照舟輿所載皆終其命莫

不得意應時動事是維皇帝匡飭異俗陵水

經地正義曰陵作凌猶歷也經界也憂恤黔首朝夕不懈除

疑定法咸知所辟正義曰音避方伯分職諸治經

易正義曰言方伯分職治所理常在平易舉措必當莫不如畫

正義曰畫戶卦反謂政理齊整分明皇帝之明臨察四方尊卑

貴賤不踰次行正義曰行姦邪不容皆務貞

良細大盡力莫敢怠荒遠邇辟隱正義曰辟近亦反

專務肅莊端直敦忠事業有常皇帝之德存

定四極去亂除害興利致福節事以時諸產

繁殖黔首安寧以銷兵革正義曰革協韻音棘六親相

保終無寇賊驩欣奉教盡知法式六合之內

皇帝之士西涉流沙南盡北戶東有東海北

過大夏人迹所至無不臣者功蓋五帝澤及

牛馬索隱曰叶韻夏音戶下無不臣者音渚澤及牛馬音姥○正義曰社預云大夏

莫不受德各安

其字維秦王兼有天下立名皇帝乃撫東土

至于琅邪列侯張晏曰列侯者見序列武成侯王離列

侯通武侯王賁倫侯建索隱曰爵甲於列侯無封邑者倫類也亦

之列侯成侯趙亥倫侯昌武侯成倫侯武信侯

馮毋擇丞相隗林索隱曰隗姓林名有本作狀者非顏之推云隋開皇

初京師穿地得鑄秤權有銘云始皇時量器

丞相隗狀王縮二人列名其作狀貌之字時

今按寫親所校驗王助亦云然斯丞相王縮

大原晉陽縣按在今并州遷實沉於大夏主參即此也

卿李斯卿王戊五大夫趙嬰五大夫楊樛正義曰

日樛居從與正義曰從才用反與音預言王

虬反議功德於海上立石琅邪議於海上正義曰

後序兩句為韻此三句為韻曰古之帝者地不過千里正義曰

日適音戈千諸侯各守其封域或朝或否相

侵暴亂殘伐不止猶刻金石以自為紀古之

五帝三王知教不同法度不明假威鬼神正義曰

日言五帝三王假借鬼神之威以欺遠方之民若葭弘之也以欺遠方

實不稱名故不久長其身未歿諸侯倍叛法

令不行今皇帝并一海內以為郡縣天下和

平昭明宗廟體道行德尊彌大成羣臣相與

誦皇帝功德刻于金石以為表經既已齊人

徐市等上書言海中有三神山名曰蓬萊方

文瀛洲正義曰漢書郊祀志云此三神山者

者諸仙人及不死之藥皆在焉其物禽獸盡

白而黃金白銀為宮闕未至望之如雲及至

三神山乃居水下臨之患且至風輒引僊人

何孟春曰徐市
又作徐福非有
兩名市乃古敬
字漢時未有翻
切但以声相近
字音註其下後
人讀市作市靈
字故疑福為
別名

初慎曰史何以書
鼎入祭也秦耻不
得鼎而詭書史
因之不改也事
有若實而妄
者秦得周鼎
也若若誕而

居之請得齊戒精托李與童男女求之於是遣徐市

發童男女數千人入海求僊人正義曰括地志云直洲在

東海中秦始皇使徐福將童男女入海求仙

人止在此洲其數萬家至今洲上人至會

猶市易者吳人外國圖正義曰始皇還過彭城正義曰彭

州所理縣也州東外城古之彭國也搜

神記云陸終第三子曰錢鏗封於彭為商伯

外傳云殷末滅彭祖氏齊戒禱祠欲出周鼎泗水使千

人浚水求之弗得乃西南渡淮水之衡山正義曰今荆

嶺山在衡州湘潭縣西南郡正義曰今荆

衡山即西北瀘南浮江至湘山祠正義曰括地志云黃

陵廟在岳州湘陰北舜二妃之神盛弘之荆

州記云青草湖南有青草山湖因山名焉按

湘山者乃青草山山近湘水逢大風樂不得

廟在山南故言湘山祠也

渡上問博士曰湘君何神博士對曰聞之堯

女舜之妻而葬此索隱曰列女傳亦以湘君

君湘夫人夫入是堯女則湘君是舜今於是
此文以湘君為堯女是物而言之也
始皇大怒使刑徒三千人皆伐湘山樹赭其
山正義曰上自商郡由武關歸應劭曰武關

赭音者

陽文穎曰武關在浙西百七十里弘農界○正義曰括地志云故武關在商州商洛縣東春秋時少習也杜預云習商縣武關也

二十九年始皇東游至陽武博狼沙中地理志何

南陽武縣有博狼沙為盜所驚求弗得乃令

天下大索十日登之果刻石其辭曰索隱曰三句為韻

維二十九年時在中春正義曰中音仲古者帝王巡狩常以

仲陽和方起皇帝東游巡登之果臨照于海

從臣嘉觀正義曰從才用反觀音琯原念休烈追誦本始

大聖作治建定法度顯著綱紀外教諸侯光

施文惠明以義理六國回辟貪戾無厭虐殺

不已皇帝哀衆遂發討師奮揚武德義誅信

行威燁旁達徐廣曰燁充善反莫不賓服烹滅彊暴

振救黔首周定四極普施明法經緯天下永

為儀則大矣哉字宇宙承順聖意

索隱曰協羣臣誦功請刻于石表垂于常式

其東觀曰維二十九年皇帝春游覽省遠方

逮于海隅遂登之眾昭臨朝陽觀望廣農從
臣咸念原道至明聖法初興清理疆內外誅
暴彊武威旁暢振動四極禽滅六王闡并天
下蓄害絕息永偃戎兵皇帝明德經理宇內
視聽不怠索隱曰怠協旗疑韻怠音銅綦反故國語范蠡曰得時不怠時不再
來亦以急與臺為韻作立大義昭設備器咸有章旗職
臣遵分各知所行事無嫌疑黔首改化遠邇
同度臨古絕尤常職既定後嗣循業長承聖

治群臣嘉德祇誦聖烈請刻之眾旋遂之琅

邪道上黨入索隱曰道猶從也三十年無事

三十一年徐廣曰使黔首自實田也十二月更名臘曰嘉

平太原曰真人茅盈內紀曰始皇三十一年九月庚子盈曾祖父蒙乃於華山之中乘

雲駕龍白日升天先是其邑謠歌曰神仙得

者茅初成駕龍上升入太清時下文例戲赤

城繼世而往在我盈帝若學之臘嘉平始皇

聞謠歌而問其故父老具對此仙人之謠歌
勸帝求長生之術於是始皇欣然乃有尋仙
之志因改臘曰嘉平○索隱曰廣雅云夏曰
清祀殷曰嘉平周曰大蜡亦曰賜黔首里六

梅太原謠歌
為七言古詩
之首

臘秦蓋改周臘而從殷之號

光緒曰始皇二十九年子房令力士但擊始皇於博浪沙中史遷濫以重盜書終二年間又逢盜瀾池意即前力士而索指為盜耳然大索二十日而竟不獲意者因左右以為力士乎意者縱容以擊又保護以不死乎意者喜其來而悲其晚雖索而獲之亦縱而去之乎故博浪誤中蘭池見窘皆不曰力士而曰力士而所以雖力士而所以容其擊者誠秦民思始皇之驚悍而幸其中也

石米二羊始皇為微行咸陽張晏曰若微賤之所為故曰微

行與武士四人俱夜出逢盜蘭池地理志渭城縣有蘭池宮正義曰括地志云蘭池在咸陽縣界見窘武士擊殺

盜關中大索二十日索石千六百

三十二年始皇之碣石使燕人盧生求羨門

郭決通隄防其辭曰正義曰此三句為韻遂興師旅

誅戮無道為逆滅息武殄暴逆文復無罪徐廣

庶心咸服惠論功勞賞及牛馬息肥土城皇

帝奮威德并諸侯初一泰平墮壞城郭正義曰墮

地勢既定黎庶無繇正義曰繇音遙天下咸撫男樂

其疇女修其業事各有序惠被諸產久並來

由徐廣曰久一作分莫不安盼群臣誦烈請刻此石

垂著儀矩因使韓終侯公石生求仙人不死

之藥始皇巡北邊從上郡入燕人盧生使正義

使所入海還以鬼神事因奏錄圖書曰亡秦史反

者胡也鄭玄曰胡胡亥秦二世名也秦見始

皇乃使將軍蒙恬發兵三十萬人北擊胡略

取河南地正義曰今靈夏勝

三十三年發諸賞捕亡人贅壻北胡反窮有子使就

其婦家故賈人略取陸梁地正義曰嶺南之

性疆梁故為桂林韋昭曰今象郡韋昭曰南

海正義曰即廣以適遣戍徐廣曰五十萬人

適直革反廣州記五嶺者大庾始安臨賀揭

揚桂陽輿地志云臺嶺騎田都龍萌諸越嶺

也臺嶺亦塞西北斥逐匈奴自榆中徐廣曰

並河以東服虔曰並屬之陰山徐廣曰在五

日今以為三十四縣城河上為塞又使蒙恬

渡河取高闕正義曰山名在五原北陶山北

假中晉灼曰王莽傳云五原北築亭障呂逐

戎人徙謫實之初縣索隱曰徙有罪而謫之

也故漢七科徐廣曰禁不得祠明星出西方皇甫謐
星見云彗

三十四年適治獄吏不直者築長城及南越

地始皇置酒咸陽宮博士七十人前為壽僕

射周青臣漢書百官表曰僕射秦官古者重

進頌曰他時秦地不過千里賴陛下主也射音夜

神靈明聖平定海內放逐蠻夷日月所照莫

不賓服以諸侯為郡縣人人自安樂無戰爭

之患傳之萬世自上古不及陛下威德始皇

悅博士齊人淳于越進曰臣聞殷周之王千

餘歲封子弟功臣自為枝輔今陛下有海內

而子弟為匹夫卒有田常六卿之臣無輔拂

何以相救哉事不師古而能長久正義曰拂蒲筆反

者非所聞也今青臣又面諛以重陛下之過

非忠臣始皇下其議丞相李斯曰五帝不相

復三代不相襲各以治非其相反時變異也

今陛下創大業建萬世之功固非愚儒所知且越言乃三代之事何足法也異時諸侯並爭厚招游學今天下已定法令出一百姓當家則力農工士則學習法令辟禁正義曰今辟音避諸生不師今而學古以非當世惑亂黔首丞相斯昧死言古者天下散亂莫之能一是以諸侯並作語皆道古以害今飾虛言以亂實人善其所私學徐廣曰私一作知以非上之所建立

今皇帝並有天下別黑白而定一尊私學而相與非法教人間令下則各以其學議之入則心非出則巷議夸正義曰夸口瓜反主以為名異取以為高率羣下以造謗如此弗禁則主勢降乎上黨與成乎下禁之便臣請史官非秦紀皆燒之非博士官所職天下敢有藏詩書百家語者悉詣尉雜燒之有敢偶語詩書者棄市應劭曰禁民聚語畏其以古非今者謗已○正義曰偶對也

族吏見知不舉者與同罪令下三十日不燒

黔為城旦如淳曰律說論決為髡鉗輸邊築長城晝日伺寇虜夜暮築長城城

且四歲也所不去者醫藥卜筮種樹之書若欲有

學法令徐廣曰一無以吏為師制曰可

三十五年除道道九原地理志五原郡有九原縣抵雲陽

徐廣曰表云道九原通甘泉塹山堙谷直通之於是始皇

以為咸陽人多先王之宮廷小吾聞周文王

都豐武王都鎬豐鎬之間帝王之都也乃營

作朝宮渭南上林苑中先作前殿阿房正義曰房

白即反括地志云秦阿房宮亦東西五百步日阿城在雍州長安縣西

南北五十丈上可以坐萬人下可以建五丈

旗索隱曰此以其形名宮也言其周馳為閣宮四阿旁廣也阿房後為宮名

道自殿下直抵南山表南山之顛以為闕為

復道自阿房渡渭屬之咸陽以象天極閣道

絕漢抵營室也索隱曰謂為複道渡渭屬咸陽象天文閣道絕漢抵營室

也天官書曰天極紫宮後十阿房宮未成成

欲更擇令名名之作宮阿房故天下謂之阿

房宮隱宮正義曰餘刑見於市朝宮刑一百日隱於蔭室養之乃可故曰隱宮

下蠶徒刑者七十餘萬人乃分作阿房宮或

作麗山發北山石椁乃寫蜀荆地材皆至關

中計宮三百關外四百餘於是立石東海上

胸界中以為秦東門因徙三萬家麗邑正義曰麗邑

音五離五萬家雲陽皆復不事十歲盧生說始皇

曰臣等求芝奇藥仙者常弗遇類物有害之

者方中人主時為微行以辟惡鬼惡鬼辟真

人至人主所居而人臣知之則害於神真人

者入水不濡入火不爇正義曰爇而說反陵雲氣與

天地久長今上治天下未能恬淡願上所居

宮毋令人知然後不死之藥殆可得也於是

始皇曰吾慕真人自謂真人不稱朕乃令咸

陽之旁二百里內官觀二百七十復道甬道

相連帷帳鍾鼓美人充之各案署不移徙行

史記紀六 三十一

所幸有言其處者罪死始皇帝幸梁山宮廣

曰在好時正義曰括地志云俗名望宮山在雍州好時縣西從山上見丞

相車騎眾弗善也中人或告丞相丞相後損

車騎始皇怒曰此中人泄吾語案問莫服當

是時詔捕諸時在旁者皆殺之自是後莫知

行之所在聽事羣臣受決事悉於咸陽宮侯

生盧生相與謀曰說死曰侯始皇為人天性

剛戾自用起諸侯并天下意得欲從以為自

古莫及已專任獄吏獄吏得親幸博士七十

人特備負費用丞相諸大臣皆受成事倚辦

於上上樂以刑殺為威正義曰樂天下畏罪

持祿莫敢盡忠上不聞過而日驕下懾伏謾

欺以取容徐廣曰一云并力法不得兼方者令民之有方伎不驗輒死

然候羣氣者至三百人皆良士畏忌諱諛不

敢端言其過天下之事無小大皆決於上上

敢端言其過天下之事無小大皆決於上上

至以衡石量書石百二十斤○正義曰衡秤

日夜有程期不滿不得休息衡也言表牋奏請秤取一石日夜有呈不中呈不得休息至

貪於權勢至如此未可為求仙藥於是乃亡

去始皇聞亡乃大怒曰吾前收天下書不中

用者盡去之悉召文學方術士甚眾欲以興

太平方士欲練以求奇樂徐廣曰一云今聞

韓眾正義去不報徐市等費以巨萬計終不

得藥徒姦利相告日間徐廣曰一作問廬生等吾尊

賜之甚厚今乃誹謗我以重吾不德也諸生

在咸陽者吾使人廉問或為詆言以亂黔首

於是使御史悉案問諸生諸生傳相告引乃

自除犯禁者四百六十餘人皆阬之咸陽使

天下知之以懲後益發謫徙邊徐廣曰徙於

徙三處拜始皇長子扶蘇諫曰天下初定遠

方黔首未集諸生皆誦法孔子今上皆重法

繩之臣恐天下不安唯上察之始皇怒使扶

蘇北監蒙恬於上郡正義曰括地志云上郡故城在綏州上縣東南

三十六年蒙恬守心有墜星下東郡至地為

石徐廣曰表黔首或刻其石曰始皇帝死而

地分始皇聞之遣御史逐問莫服盡取石旁

居人誅之因燔銷其石始皇不樂使博士為

仙真人詩及行所游天下傳令正義曰傳逐

反樂人謔弦之秋使者從關東夜過華陰平

舒道正義曰括地志云平舒故有人持璧渡

使者曰為吾遺瀉池君服虔曰水神也張晏曰武王居鎬鎬池君

則武王也武王伐商故神云始皇荒淫若紂矣今亦可伐也孟康曰長安西南有瀉池○

索隱曰秦水德王故其因言曰今年祖龍死

君將亡水神先自相告蘇林曰祖始也龍人君象謂始皇也服虔曰龍人之先象也言王亦人之先也應劭曰祖

人之先龍君之象使者問其故因忽不見置其璧去

使者奉璧具以聞始皇默然良久曰山鬼固

不過知一歲事也退言曰祖龍者人之先也

使御府視璧乃二十八年行渡江所沈璧也

於是治皇下之卦得游徙吉遷北河榆中三

萬家正義曰謂北河勝州也拜爵一級

三十七年十月癸丑始皇出游左丞相斯從

右丞相去疾守少子胡亥愛慕請從上許之

十一月行至雲夢望祀虞舜於九疑山正義曰括

地志云九疑山在永州唐興縣東南皇覽云舜冢在零陵郡營浦縣浮江下觀

籍柯渡海渚正義曰括地志云舒州周安縣東按舒州在江中疑海字誤即

此州過丹陽正義曰括地志云丹陽郡故在閩州江寧縣東南秦以為鄣郡也

至錢唐正義曰錢唐今杭州縣臨浙江晉灼曰江水至會稽山陰為浙

江波惡乃西百二十里從狹中渡徐廣曰蓋在餘

杭也顧夷曰餘杭者秦始皇上會稽祭大禹正義

曰越州會稽山上有禹穴及廟望于南海而立石刻頌秦德

索隱曰三句為其文曰正義曰其碑見在會稽山上其文及書皆

李斯其字四寸畫如小指圓皇帝休烈平一

字內德惠脩長三十有七年親巡天下周覽

遠方遂登會稽宣省習俗黔首齋莊群臣誦

功木涼事迹追守高明索隱曰今檢會稽刻

人情也秦聖臨國始定刑名顯陳舊章正義曰

章初平法式審別職任以立恒常六王專倍碑文作

貪戾傲猛率眾自彊正義曰碑文暴虐恣行

正義曰負力而驕數動甲兵陰通間使以事

合從行為辟方內飾詐謀外來侵邊遂起禍

殃義威誅之殄熄暴悖亂賊滅亡聖德廣密

六合之中被澤無疆皇帝并宇兼聽萬事遠

近畢清運理羣物考驗事實各載其名貴賤

並通善否陳前靡有隱情節省宣義徐廣曰

非有子而嫁倍死不貞防隔省一作

內外禁止淫泆男女絜誠夫為寄殺索隱曰

壯猪也言夫絜他殺之無罪男秉義程妻為

逃嫁子不得母正義曰言妻棄夫咸化廉清

大治濯俗天下承風蒙被休經皆遵度軌和

安敦免莫不順令正義曰黔首脩潔人樂

史記卷六 秦始皇本紀 三十一

同則ヲ保ツ太平ヲ後ニ敬ツ奉テ法ヲ常ニ治メ無ク極ニ輿ヲ舟ヲ不ス
傾ク從テ臣ヲ誦ク烈ク請テ刻シ此ノ石ニ先ニ垂ス休ス銘ヲ還シ過シ吳ニ從テ
江ニ乘リ渡ル地理志丹陽有江乘縣○正義並シ海ニ
上ニ北ニ至シ琅邪方士徐市等ハ入リ海ニ求メ神藥數ニ歲ニ
不レ得テ費多忍テ謹シ乃チ詐シ曰ク蓬萊藥ヲ可ク得ル然レ常ニ為ス
鮫大魚ノ所レ苦シ故ニ不レ得テ至リ願シ請フ善ク射ス與レ俱ニ見ル則チ
以テ連弩射ス之ヲ始シ皇帝夢シ與レ海神戰ス如ク人ノ狀ヲ問シ占シ
夢シ博士曰水神不レ可ク見ル以テ大魚蛟龍為ス候ト今ニ

上ニ禱シ祠ヲ備シ謹シ而モ有リ此ノ惡神當レ除ク去シ而モ善神可ク
致シ乃チ令シ入リ海ニ者ヲ齋シ捕シ巨魚具シ而モ自ラ以テ連弩候ト
大魚出リ射ス之ヲ自ラ琅邪北ニ至シ榮成山ニ正義曰山在萊州
弗レ見ル至シ之ヲ眾ニ見ル巨魚射ス殺シ一魚遂ニ並シ海西至シ
平原津而モ病ス徐廣曰渡河而西始シ皇帝惡ク言フ死シ群臣莫シ
敢テ言フ死事上ノ病益甚ニ乃チ為シ璽書賜シ公子扶蘇
曰ク與レ喪會咸陽而モ葬シ書ヲ已シ封シ在リ中車府ノ令シ趙主
高伏與路車行符璽事所未レ授シ使者七月丙午

寅始皇崩於沙丘平臺徐廣曰年五十沙丘去長安二千餘里趙

有沙丘宮在鉅鹿武靈王之死處○正義曰括地志云沙丘臺在邢州平鄉縣東北丞

相斯為上崩在外恐諸公子及天下有變乃

秘之不發喪棺載輜涼車中正義曰棺音館又古患反故

幸宦者參乘所至上食百官奏事如故宦者

輒從輜涼車中可其奏事獨子胡亥趙高及

所幸宦者五六人知上死趙高故嘗教胡亥

書及獄律令法事胡亥私幸之高乃與公子

胡亥丞相斯陰謀破去始皇所封書賜公子

扶蘇者而更詐為丞相斯受始皇遺詔沙丘

立子胡亥為太子更為書賜公子扶蘇蒙恬

數以罪其賜死語具在李斯傳中行遂至井

陘徐廣曰在常山抵九原會暑上輜車臭乃詔從官

令車載一石鮑魚以亂其臭得從直道至咸

陽發喪太子胡亥襲位為二世皇帝九月葬

始皇麗山始皇初即位穿治麗山及并天下

七

天下徒送詣七十餘萬人穿三泉下銅徐廣

作銅錮鑄塞正義曰而致擗官觀百官奇

器珍怪徒臧滿之正義曰言冢內作宮觀及

冢中藏今匠作機弩矢有所穿近者輒射之

以水銀為百川江河大海機相灌輸正義曰

輸音上具天文下具地理以人魚膏為燭徐

日人魚似鮎四足正義曰廣志云鯢魚聲

為小兒啼形如鱧可以治牛出伊水異物志

云人魚似人形長尺餘不堪食皮利於鮫魚

鋸材木入項上有小穿氣從中出出東海中

今台州有之按今帝王度不滅者久之正義

用漆燈家中則大不滅度不滅者久之正義

田洛二世曰先帝後宮非有子者出焉不宜

皆令從死死者甚衆葬既已下或言工匠為

機藏皆知之藏重即泄大事畢已藏閉中羨

正義曰音延下外羨門盡閉工匠藏者無

同謂冢中神道復出者樹草木以象山皇覽曰墳高五十

○

二世皇帝元年年二十一徐廣曰表云十月

趙高急郎中令漢書百官表曰秦任用事二

漢書百官表曰秦任用事二

世下詔增始皇寢廟犧牲及山川百祀之禮

令羣臣議尊始皇廟羣臣皆頓首言曰古者

天子七廟諸侯五大夫三雖萬世世不軼毀

正義曰軼徒結反今始皇為極廟四海之內皆獻貢

職增犧牲禮咸備毋以加先主廟或在西雍

正義曰雍於用反西雍在咸陽西今岐州雍縣故城是也云西雍雍西縣也或在

咸陽天子儀當獨奉酌祠始皇廟自襄公已

下軼毀所置凡七廟群臣以禮進祠以尊始

皇廟為帝者祖廟皇帝復自稱朕二世與趙

高謀曰朕年少初即位黔首未集附先帝巡

行郡縣以示疆威服海內今晏然不巡行即

見弱毋以臣畜天下春二世東行郡縣李斯

從到碣石並海南至會稽而盡刻始皇所立

刻石石旁著正義曰著大臣從者名以章先

帝成功盛德焉皇帝曰金石刻盡始皇帝所

為也今襲彌而金石刻辭不稱始皇帝其於

久遠也如後嗣為之者不稱成功盛德丞相

臣斯臣去疾徐廣曰姓馮御史大夫臣德昧死言

臣請具刻詔書刻石因明白矣臣昧死請制

曰可遂至遼東而還於是二世乃遵用趙高

申法令乃陰與趙高謀曰大臣不服官更尚

彊及諸公子必與我爭為之奈何高曰臣固

願言而未敢也先帝之大臣皆天下累世名

貴人也積功勞世以相傳久矣今高素小賤

陛下幸稱舉今在上位管中事大臣鞅鞅特

以貌從臣其心實不服今上出不因此時案

郡縣守尉有罪者誅之上以振威天下下以

除去上生平所不可者不可今時不師文而決於

武力願陛下遂從時毋疑即羣臣不及謀明

主收舉餘民賤者貴之貧者富之遠者近之

則上下集而國安矣二世曰善乃行誅大臣

及諸公子以罪過連逮少近官三郎索隱曰連及也

謂連及俱被捕少小也近近侍無得立者而

之臣三郎謂中郎外郎議郎

六公子戮死於杜公子將閭昆弟三人囚於

內宮議其罪獨後二世使使令將閭曰公子

不臣罪當死吏致法焉將閭曰闕廷之禮吾

未嘗敢不從賓贊也廡廟之位吾未嘗敢失

節也受命應對吾未嘗敢失辭也何謂不臣

願聞罪而死使者曰臣不得與謀奉書從事

將閭乃仰天大呼天者三曰天乎吾無罪昆

弟三人皆流涕拔劍自殺宗室振怒群臣諫

者以為誹謗大吏持祿取容黔首振怒四月

二世還至咸陽曰先帝為咸陽朝廷小故營

阿房宮為室堂未就會上崩罷其作者復土

鄠山鄠山事大畢今釋阿房宮弗就則是章

先帝舉事過也復作阿房宮外撫四夷如始

皇計畫徵其材士正義曰謂材五萬人為屯

衛咸陽令教射狗馬禽獸當食者多度不足

下調郡縣輸救粟芻藁皆令自齎糧食咸陽

三百里內不得食其穀用法益刻深七月成

卒陳勝正義曰勝音升等反故荆地為張楚李奇曰張大楚

也勝自立為楚王居陳遣諸將徇地山東郡

縣少年苦秦吏皆殺其守尉令丞反以應陳

涉相立為侯王合從西鄉名為伐秦不可勝

數也謁者使東方來漢書百官表曰謁者以秦官掌賓贊受事

反者聞二世二世怒下更後使者至上問對

曰羣盜郡守尉方逐捕今盡得不足憂上悅

武臣自立為趙王魏咎為魏王田儋為齊王

服虔曰儋音負擔沛公起沛頃梁舉兵會稽郡

二年冬陳涉所遣周章等將西至戲應劭曰戲弘農

湖西界孟康曰水名今戲亭是也兵數十萬

二世大驚與羣臣謀曰奈何少府章邯曰漢書

百官表曰少府秦官應劭曰掌山澤陂池之稅名曰禁錢以給私養自別為藏少者小也

故稱曰盜已至眾彊今發近縣不及矣酈山

少府

徒多請赦之授兵以擊之二世乃大赦天下

使章邯將擊破周章軍而走遂殺章曹陽晉灼

日亭名在弘農東十三里魏武帝改曰好陽
正義曰括地志云在陝州桃林縣東南

二世益遣長史司馬欣董翳佐章邯擊盜殺

陳勝城父正義曰父音甫括地志云破項梁

定陶正義曰今曹州定陶縣滅魏咎臨濟正義曰今楚

地盜名將已死章邯乃北渡河擊趙王歇等

於鉅鹿正義曰括地志云邢州平鄉縣城趙高說二世曰先

帝臨制天下久故羣臣不敢為非進邪說今

陛下富於春秋初即位奈何與公卿廷決事

事即有誤示群臣短也天子稱朕固不聞聲

索隱曰言天子常患禁中臣下於是二世常

居禁中蔡邕曰禁中者門戶有禁非與高決

諸事其後公卿希得朝見盜賊益多而關中

秦發東擊盜者毋已右丞相去疾左丞相斯

將軍馮劫進諫曰關東群盜並起秦發兵誅

擊所殺亡甚衆然猶不止盜多皆以戍漕轉

作事苦賦稅大也請且止阿房宮作者減省

四邊戍轉二世曰吾聞之韓子曰堯舜采椽

不刮索隱曰采木名刮音括茅茨不翦飯土墼徐廣曰飯器謂

之篋○索隱曰啜土形如清曰土形飯器也

監門之養不穀於此索隱曰謂監門之卒養即卒也

學謂盡也又古學反○正義曰又苦角反言堯舜之儉雖監守門之人供養亦不盡此之

陋禹鑿龍門通大夏正義曰括地志云大夏今并州晉陽及汾絳等

州決河亭水正義曰決亭雍是放之海身自持

築甬正義曰甬初治反鑿謂之甬脛毋毛臣虜之勞不烈

於此矣正義曰烈酷也凡所為貴有天下者得肆意

極欲主重明法下不敢為非以制御海內矣

夫虞夏之主貴為天子親處窮苦之實以徇

百姓尚何於法朕尊萬乘毋其實吾欲造千

乘之駕萬乘之屬充吾號名且先帝起諸侯

兼天下天下已定外攘四夷以安邊境作宮

室以章得意而君觀先帝功業有緒今朕即位二年之間羣盜並起君不能禁又欲罷先帝之所為是上毋以報先帝次不為朕盡忠力何以在位下去疾斯劫吏案責他罪去疾劫曰將相不辱自殺斯卒囚就五刑
三年章邯等將其卒圍鉅鹿楚上將軍項羽將楚卒往救鉅鹿冬趙高為丞相竟案李斯殺之夏章邯等戰數却二世使人讓邯邯恐

使長史欣請事趙高弗見又弗信欣恐亡去高使人捕追不及欣見邯曰趙高用事於中將軍有功亦誅無功亦誅項羽急擊秦軍虜王離邯等遂以兵降諸侯八月己亥徐廣曰一作卯趙高欲為亂恐羣臣不聽乃先設驢持鹿獻於二世曰馬也二世笑曰丞相誤邪謂鹿為馬問左右左右或默或言馬以阿順趙高或言鹿者高陰中諸言鹿者以法後羣臣皆畏

高高前數言關東盜母能為也及項羽虜秦
將王離等鉅鹿下而前章邯等軍數却上書
請益助燕趙齊楚韓魏皆立為王自關以東
大氏盡畔秦吏應諸侯正義曰成丁禮反略也諸侯咸
率其衆西鄉沛公將數萬人已屠武關使入
私於高高恐二世怒誅及其身乃謝病不朝
見二世夢白虎鬪其左驂馬殺之心不樂怪
問占夢卜曰涇水為崇二世乃齋於望夷宮

張晏曰望夷宮在長陵西北長平觀道東故亭處是也臨涇水作之以望北夷○正義曰

括地志云望夷宮在雍州咸陽縣東南欲祠涇沈四白馬使使

責讓高以盜賊事高懼乃陰與其壻咸陽令
閻樂其弟趙成謀曰上不聽諫今事急欲歸
禍於吾宗吾欲易置上更立公子嬰子嬰仁
儉百姓皆載其言使郎中令為內應徐廣曰
中令詐為有大賊令樂召吏發率追劫樂母
置高舍遣樂將吏率千餘人至望夷宮殿門

縛衛令僕射曰賊入此何不止衛令曰周廬

設卒甚謹西京賦曰徽道外周千廬內傳薛

行非常夜則安得賊敢入宮樂遂斬尉令直

將吏入行射即宦者大驚或走或格格者輒

死死者數十人即中令與樂俱入射上幄坐

幃二世怒召左右左右皆惶擾不鬪旁有宦

者一人侍不敢去二世入內謂曰公何不蚤

告我乃至於此宦者曰臣不敢言故得全使

臣蚤言皆已誅安得至今閹樂前即二世數

曰足下驕恣蔡邕曰群臣士庶相與言曰殿

誅殺無道天下共畔足下足下其自為計二

世曰丞相可得見否樂曰不可二世曰吾願

得一郡為王弗許又曰願為萬戶侯弗許曰

願與妻子為黔首比諸公子閹樂曰臣受命

於丞相為天下誅足下足下雖多言臣不敢

報麾其兵進二世自殺關樂歸報趙高趙高

乃悉召諸大臣公子告以誅二世之狀曰秦
故王國始皇君天下故稱帝今六國復自立
秦地益小乃以空名為帝不可宜為王如故
便立二世之兄子公子嬰為秦王以黔首葬
二世杜南宜春苑中令子嬰齋當廟見受玉
璽齋五日子嬰與其子二人謀曰丞相高殺
二世望夷宮恐羣臣誅之乃詳以義立我詳音
羊我聞趙高乃與楚約滅秦宗室而王關中

今使我齊見廟此欲因廟中殺我我稱病不
行丞相必自來來則殺之高使人請子嬰數
輩子嬰不行高果自往曰宗廟重事王奈何
不行子嬰遂刺殺高於齊宮三族高家以徇
咸陽子嬰為秦王四十六日楚將沛公破秦
軍入武關遂至霸上應劭曰霸水上地名在長安東三十里古者滋
水秦繆公更名霸上使人約降子嬰子嬰即係頸以組
白馬素車應劭曰組者天子蔽也係頸者言欲自殺也素車白馬喪人之服也

奉天子璽符降軹道旁

徐廣曰在霸陵

東十里沛公遂入咸陽封官室府庫還軍霸上

居月餘諸侯兵至項籍為從長殺子嬰及秦

諸公子宗族遂屠咸陽燒其官室虜其子女

收其珍寶貨財諸侯共分之滅秦之後各分

其地為三名曰雍王塞王翟王號曰三秦項

羽為西楚霸王主命分天下王諸侯秦竟滅

矣後五年天下定於漢

太史公曰秦之先伯翳嘗有勳於唐虞之際

受土賜姓及夏殷之間微散至周之衰秦興

邑于西垂自繆公以來稍蠶食諸侯竟成始

皇始皇自以為功過五帝地廣三王而羞與

之侔善哉乎賈生推言之也曰秦并兼諸侯

山東三十餘郡善津關據險塞修甲兵而守

之然陳涉以戍卒散亂之眾數百奮臂大呼

不用弓戟之兵鉏耰白挺

徐廣曰耰田器音○索隱曰徐以

擾為田器非也孟康以望屋而食橫行天下

秦人阻險不守關梁不闔長戟不刺彊弩不

射楚師深入戰於鴻門曾無藩籬之艱於是

山東大擾諸侯並起豪俊相立鵠冠子曰德萬人者謂之

後德千人者謂之豪德百人者謂之英○索隱曰謂武臣田儋魏豹之屬秦使章

邯將而東征章邯因以三軍之衆要市於外

索隱曰此評失也章邯之降由趙高用事不

信在軍將一則恐誅二則楚兵既盛王離見以謀其上羣臣之不

信可見於此矣子嬰立遂不寤籍使子嬰有

庸主之材僅得中佐山東雖亂秦之地可全

而有宗廟之祀未當絕也秦地被山帶河以

為固四塞之國也自繆公以來至於秦王二

十餘君常為諸侯雄豈世世賢哉其勢居然

也且天下嘗同心并力而攻秦矣當此之世

賢智並列良將行其師賢相通其謀然困於

阻險而不能進秦乃延入戰而為之開關百

萬之徒逃北而遂壞豈勇力智慧不足哉形
不利勢不便也秦小邑并大城徐廣曰大作小守
險塞而軍高壘毋戰閉關據阨荷戟而守之
諸侯起於匹夫以利合非有素王之行也其
交未親其下未附名為亡秦其實利之也彼
見秦阻之難犯也必退師安土息民以待其
敝收弱扶罷以令大國之君不患不得意於
海內貴為天子富有天下而身為禽者其救

敗非也秦王足已不問遂過而不變二世受
之因而不改暴虐以重禍子嬰孤立無親危
弱無輔三主惑而終身不悟亡不亦宜乎當
此時也世非無深慮知化之士也然所以不
敢盡忠拂過者秦俗多忌諱之禁忠言未卒
於口而身為戮沒矣故使天下之士傾耳而
聽重足而立拊口而不言是以三主失道忠
臣不敢諫智士不敢謀天下已亂奸不上聞

豈不哀哉先王知雍蔽之傷國也故置公卿大夫士以飾法設刑而天下治其疆也禁暴誅亂而天下服其弱也五伯征而諸侯從其削也ケルニテ內守外附ツケテ而社稷存故秦之盛也ナキニ繁法嚴刑而天下振トクニ及其衰也百姓怨望而海內畔矣故周五序得其道而千餘歲不絕秦本末並失故不長久由此觀之安危之統相去遠矣野諺曰前事之不忘後事之師也是以

君子為國觀之上古驗之當世參以入事察盛衰之理審權勢之宜去就有序變化有時故曠日長久而社稷安矣秦孝公據殽函之固擁雍州之地君臣固守而窺周室有席卷天下包舉宇內囊括四海之意張晏曰括括包含并吞八荒之心當是時商君佐之索隱曰商君南公孫鞅仕秦內立法度務耕織修守戰之備外連衡而闢諸侯索隱曰高誘云合關東從道之秦故名曰

史記卷六

五十五

連衡於是秦人拱手而取西河之外孝公既
沒惠王武王蒙故業因遺冊南兼漢中西舉
巴蜀東割膏腴之地收要害之郡諸侯恐懼
會盟而謀弱秦不愛珍器重寶肥美之地以
致天下之士合從締交漢書音義曰締結也相與為一
當是時齊有孟嘗趙有平原楚有春申魏有
信陵此四君者皆明知而忠信寬厚而愛人
尊賢重士約從離衡索隱曰言四君為其國
結約為從以離散秦之

橫并韓魏燕楚齊趙宋衛中山之衆於是六

國之士索隱曰六國者韓魏趙燕楚齊是也
與秦為七雄又六國與宋衛中山為

九國其三國有寧越徐尚蘇秦杜赫之屬為

之謀徐廣曰越一作經或自別有此人不必
審越也○索隱曰寧越趙人賈誼作審

越徐尚未詳蘇秦東周洛陽人呂氏春秋杜
赫以安天下說周昭文君高誘曰杜赫周人

齊明周最陳軫昭滑樓緩翟景蘇厲樂毅之

徒通其意索隱曰齊明東周臣後仕秦楚及
韓周最周之公子仕秦陳軫夏人

仕秦昭滑楚人樓緩魏文侯之弟所謂樓子
也蘇厲秦之弟仕齊樂毅本齊臣入燕昭

王以客禮待之，以吳起、孫臏、帶佗、兒良、王瘳為亞卿。翟景未詳。

田忌、廉頗、趙奢之朋，制其兵。索隱曰：吳起、孫臏、帶佗、兒良、貴後二人皆天下豪士，田忌、齊將也，廉頗、趙奢皆趙

臏、孫武之後。春秋曰：王廖貴先，兒良貴後。二人皆天下豪士，田忌、齊將也，廉頗、趙奢皆趙

也。將常以十倍之地，百萬之眾，叩關而攻秦。

秦人開關延敵，九國之師，遂巡遁逃而不敢

進。秦無亡矢遺鏃之費，而天下諸侯已困矣。

於是從散約，解爭割地而奉秦，秦有餘力而

制其敵，追亡逐北，伏尸百萬，流血漂鹵。徐廣曰：鹵，

也。權因利乘便，宰割天下，分裂河山，疆國請服。

弱國入朝，延及孝文、莊襄王，享國日淺，國家

無事。及至秦王，續六世之餘烈。張晏曰：孝公、惠文王、武王

昭王、孝文王、莊襄王振長策而御宇內，吞二周而亡諸

侯，復至尊而制六合，執棰拊以鞭笞天下。徐廣

曰：拊，拍也。音府。索隱曰：賈本論作槁。朴威振四海，南取百越之

地。韋昭曰：越以為桂林、象郡，百越之君，俛首

係頸，委命下吏，乃使蒙恬北築長城而守藩

籬却匈奴七百餘里，胡人不敢南下而牧馬，士不敢彎弓而報怨。於是廢先王之道，焚百家之言，以愚黔首，墮名城，應劭曰：壞堅城，恐殺豪俊，收天下之兵，聚之咸陽，銷鋒鑄鐻，以為金人十二，以弱黔首之民。然後斬華為城，良將勁弩守要害之處，信臣精卒陳利兵而

徐廣曰：斬一作踐。案服虔曰：斷華山為城。○索隱曰：踐亦出。賈本論又崔浩云：踐登也。

誰何？如淳曰：何猶問也。○索隱曰：崔浩云：何或為呵。漢舊儀宿衛郎官分五夜，誰呵也。何呵字同。天下以定，秦王之心自以為關

中之固，金城千里，子孫帝王萬世之業也。秦

王既沒，餘威振於殊俗。陳涉甕牖繩樞之子，

服虔曰：以繩係戶樞也。孟康曰：瓦甕為窓也。眊隸之人，如淳曰：眊古氓字。氓

也，而遷徙之徒，才能不及中人，非有仲尼墨

翟之賢，陶朱猗頓之富，躡足行伍之間，而俛

起什伯之中。漢書音義曰：首出十長百長之中。如淳曰：時皆辟居在十百之

中率罷散之卒將數百之衆而轉攻秦斬木
為兵揭竿為旗天下雲集響應贏糧而景從
山東豪俊遂並起而亡秦族矣且夫天下非
小弱也雍州之地殽函之固自若也韋昭曰殽謂二
殽函函陳涉之位非尊於齊楚燕趙韓魏宋
衛中山之君鉏耰棘矜服虔曰以鉏柄及棘
推塊非鏃於句戟長鋌也徐廣曰鏃一作鉞
推也矛也又曰矛刃下有鐵駟按如淳曰長刃適戍之衆而抗於九
橫方上曲句鋌所拜反

國之師深謀遠慮行軍用兵之道非及鄉時
之士也然而成敗異變功業相反也試使山
東之國與陳涉度長絜大漢書音義曰比權
量力則不可同年而語矣然秦以區區之地
千乘之權招八州而朝同列百有餘年矣然
後以六合為家殽函為宮一夫作難而七廟
墮身死人手為天下笑者何也仁義不施而
攻守之勢異也秦并海內兼諸侯南面稱帝

徐廣曰一本有此篇無前者秦孝公已下而
又以秦并兼諸侯山東三十餘郡繼此末也
○索隱曰按賈誼適秦論以孝公已下為上
篇秦兼并諸侯為下篇鄭誕生云太史公刪
賈誼適秦論著此論當其義而省其辭褚先
生增續既已混殺而世俗小智不唯刪省之
旨合寫本論於此不同以養四海天下之士
也今頗亦不可分別一
斐然鄉風若是者何者曰近古之無王者久
矣周室卑微五霸既歿今不行於天下是以
諸侯力政彊侵弱眾暴寡兵革不休士民罷
敝今秦南面而王天下是上有天子也既元

元之民異得安其性命莫不虛心而仰上當
此之時守威定功安危之本在於此矣秦王
懷貪鄙之心行自奮之智不信功臣不親士
民廢王道立私權禁文書而酷刑法先詐力
而後仁義以暴虐為天下始夫并兼者高詐
力安定者貴順權此言取與守不同術也秦
離戰國而王天下其道不易其政不改是其
所以取之守之者異也孤獨而有之故其亡

可立而待借使秦王計上世之事並殷周之
迹以制御其政後雖有淫驕之主而未有傾
危之患也故三王之建天下名號顯美功業
長久今秦二世立天下莫不引領而觀其政
夫寒者利短褐徐廣曰一作短小襦也音豎
織之若馬衣或以褐編衣也蓋謂褐布豎裁
為勞役之衣短而且狹故謂之短褐亦曰豎
褐而飢者甘糟糠天下之嗷嗷新主之貨也
此言勞民之易為仁也鄉使二世有庸主之

行而任忠賢臣主一心而憂海內之患縞素
而正先帝之過裂地分民以封功臣之後建
國立君以禮天下虛囹圄而免刑戮除去收
帑音奴汗穢之罪使各反其鄉里發倉廩散財幣
以振孤獨窮困之士輕賦少事以佐百姓之
急約法省刑以持其後使天下之人皆得自
新更節修行各慎其身塞萬民之望而以威
德與天下天下集矣即四海之內皆謹然各

自安樂其處唯恐有變雖有狡猾之民無離
上之心則不軌之臣無以飾其智而暴亂之
奸止矣二世不行此術而重之以無道壞宗
廟與民此徐廣曰一無更始作阿房宮繁刑嚴
誅吏治刻深賞罰不當賦歛無度天下多事
吏弗能紀百姓困窮而主弗收恤然後姦偽
並起而上下相遁蒙罪者衆刑戮相望於道
而天下皆之自君卿以下至于衆庶人懷自

危之心親處窮苦之實咸不安其位故易動
也是以陳涉不用湯武之賢不藉公侯之尊
奮臂於大澤而天下響應者其民危也故先
王見始終之變知存亡之機是以牧民之道
務在安之而已天下雖有逆行之臣必無響
應之助矣故曰安民可與行義而危民易與
為非此之謂也貴為天子富有天下身不免
於戮殺者正傾非也是二世之過也襄公立

享國十二年初為西時葬西垂索隱曰此下

先君立年及葬處皆當據秦紀為說今取異說重列於後襄公秦仲孫莊公子救周周始

命為諸侯立生文公文公立居西垂官五十

年死葬西垂索隱曰作郟時生靜公靜公不

饗國而死生憲公憲公享國十二年居西新

邑死葬衙地理志馮翊有衙縣○索隱曰憲公滅蕩社居新邑葬衙本紀憲公

徙居平陽生武公德公出子出子饗國六年

居西陵索隱曰一云居西庶長弗忌威累參

父三人率賊賊出子鄙衍葬衙武公立武公

饗國二十年居平陽封官徐廣曰一云葬宣

陽聚東南索隱曰紀云葬平陽初以人從死三庶長伏其罪

德公立德公享國二年居雍大鄭宮生宣公

成公緜公葬陽初伏以御蠱索隱曰二年初伏本紀此已下

居葬絕不言宣公享國十二年居陽宮葬陽索隱曰四

年作初志閏月成公享國四年居雍之日徐廣

一作官葬陽齊伐山戎孤竹繆公享國三十

走

九年天子致霸葬雍繅音繅公音繅學著人索隱曰著

寧著即寧也門屏之間曰寧謂寧於生康公寧門之人詩云侯我於者乎而是也

康公享國十二年居雍高寢葬狗社生共公在襄

共公享國五年居雍高寢葬康公南生桓公

桓公享國二十七年居雍大寢葬義里五北

生景公索隱曰一作倍公景公享國四十年

居雍高寢葬丘里南正義曰丘生畢公徐廣

秋作畢公饗國三十六年正義曰三葬車里哀公

北生夷公夷公不享國死葬左官生惠公正義

日十年葬車里元惠公享國十年葬車里康

景公生悼公悼公享國十五年正義曰雍本

葬僖公西城雍生刺龔公正義曰刺一作利

共刺龔公享國三十四年葬入里徐廣曰生

躁公索隱曰又作趨公○正義曰懷公正義

年葬櫟其十年彗星見躁公享國十四年居

受寢葬悼公南其元年彗星見徐廣曰年表

懷公從晉來享國四年葬櫟圍氏生靈公諸

臣圍懷公懷公自殺肅靈公昭子子也徐廣曰懷

公生昭子昭子生靈公○索隱曰紀年及系本無爾字立十年表同紀十二年居涇

陽享國十年葬悼公西生簡公簡公從晉來

享國十五年葬僖公西索隱曰按本紀簡公名悼子即刺藁公子

懷公弟且紀及系本皆以為然今此文云靈公謬也立十六年葬僖公西生惠公

其七年百姓初帶劔惠公享國十三年葬陵

圍索隱曰王助案紀年云簡公後次敬公敬公立十三年乃至惠公辭即難憑時參異

說生出公出公享國二年索隱曰系本謂少主出公自

殺葬雍獻公享國二十三年徐廣曰靈公子○索隱曰系本

解元獻公立二十二年葬魯圍生孝公孝公享

國二十四年索隱曰本紀十二年葬茅圍生惠文王其

十三年始都咸陽惠文王饗國二十七年索隱

日十九葬公陵生悼武王悼武王享國四年

葬永陵徐廣曰皇甫謐曰葬畢今安陵西畢

立立三年本昭襄王享國五十六年葬芷陽

索隱曰十九年而立葬並陵生孝文王孝文王享國一年
葬壽陵生莊襄王莊襄王享國二年葬並陽
生始皇帝呂不韋相獻公立七年初行為市
十年為戶籍相伍孝公立十六年時桃李冬
華惠文王生十九年而立立二年初行錢有
新生嬰兒曰秦且王悼武王生十九年而立
立三年渭水赤三日昭襄王生十九年而立
立四年初為田開阡陌孝文王生五十三年

而立莊襄王生三十二年而立立二年取太
原地莊襄王元年大赦脩先王功臣施德厚
骨肉布惠於民東周與諸侯謀秦秦使相國
不韋誅之盡入其國秦不絕其祀以陽人地
賜周君奉其祭祀始皇饗國三十七年葬酈
邑生二世皇帝始皇生十三年而立二世皇
帝享國三年葬宜春趙高為丞相安武侯二
世生十二年而立徐廣曰本紀云二十一

右秦襄公至二世六百一十歲正義曰秦本紀自襄公至

二世五百七十六年年表自襄公至二世五百六十一年三說不同未知孰是孝明

皇帝正義曰班固典引云後漢明帝永平十七年詔問班固太史遷語中寧有非耶

班固上表陳秦過失及貫誼言答之云十七年十月十五日乙

丑日索隱曰此已下是孝明帝訪班固評賈馬贊中論秦二世得失後人因取其說

附之周歷已移仁不代母秦直其位索隱曰

此末周歷已移仁不代母秦直其位索隱曰周歷已

終周亡也仁不代母謂周木德木生火周為漢母也言曆運之道仁恩之情子不代母而

王謂火不代木言漢不合即代周也秦值其間位得在木之間也○正義曰始皇以為周

火德秦代周從所不勝為木德之始也按周木德也秦水德也五行之運水生木木生火

火生土土生金金生水所生者為母出者為子帝王之次子代母秦稱水是母代子故言

若有德之君相代呂政殘虐然以諸侯十三不母承其子也

始皇初為諸侯年十三○索隱曰始皇名政是呂不韋幸姬有娠獻莊襄王而生故曰呂

政并兼天下極情縱欲養育宗親三十七年

兵無所不加制作政令施於後王蓋得聖人

之威河神授圖據狼狐嗚參伐佐攻驅除正義

日狼狐主弓矢星天官書云參伐者乃主距斬艾事言秦據嗚狼狐參伐之氣滅天下距

之稱始皇正義曰始皇既歿胡亥極愚酈山

未畢復作阿房以遂前策云凡所為貴有天

下者肆意極欲大臣至欲罷先君所為誅斯

去疾任用趙高痛哉言乎人頭畜鳴不威不

伐惡不篤不虛亡正義曰言胡亥籍帝王之

既深篤以至滅距之不得留殘虐以促期雖

居形便之國猶不得存于嬰度次得嗣冠正義

日冠王冠佩華紋車黃屋蔡邕曰黃屋者綬

音縮

從

百司謁七廟小人乘非位莫不恍惚失守偷

安日日獨長念却慮父子作權近取於戶

牖之間竟誅猾臣為君討賊高死之後賓婚

未得盡相勞餐未及下咽酒未及濡膏楚兵

已屠關中真人翔霸上素車嬰組奉其符璽

以歸帝者鄭伯第旌鸞刀嚴王退舍公羊傳

王伐鄭鄭伯因祖左執第旌右執鸞刀以逆

莊王莊王退舍七里何休曰第旌鸞刀祭祀

宗廟器者也執宗廟器者示以宗河決不可

河決不可

後壅魚爛不可復全賈誼司馬遷曰向使嬰有庸主之才僅得中佐山東雖亂秦之地可

全而有宗廟之祀未當絕也秦之積衰天下

土崩瓦解正義曰言秦國敗壞若屋宇崩頽衆瓦解散也雖有周且

之材無所復陳其巧而以責一日之孤正義曰日音駟一日之孤謂子嬰

誤哉俗傳秦始皇起罪惡胡亥

極得其理矣復責小子正義曰亦謂子嬰云秦地可

全所謂不通時變者也紀季以鄒春秋不名音美

封一侯對

春秋曰紀季以鄒入于齊公羊傳曰何以不名賢之也謂設五廟以存姑姊妹也○正義

曰鄒戶圭反括地志云安平城在青州臨淄縣東古紀之鄒邑帝王紀云周之紀國姜姓

也紀侯諸齊哀公於周懿王王烹之竹書云齊襄公滅紀紀季紀侯少弟不書名故曰紀季

吾讀秦紀至於子嬰車裂趙高未嘗不健其

決憐其志嬰死生之義備矣徐廣曰班固典引曰永平十七

年詔問臣固太史遷贊語中寧有非耶臣封買誼言子嬰得中佐秦未絕也此言非是

索隱述贊曰

六國陵替 二周淪亡 并一天下

號為始皇

阿房雲構

金狹成行

南遊勒石

東瞰浮梁

滴池見遺

沙丘告喪

二世矯制

趙高是與

詐因指鹿

災生噬虎

子嬰見推

息報君父

下屯中佐

上乃庸主

欲振頹綱

云誰克補

秦始皇本紀第六

史記六

